

Ch L 9301.424

6

HARVARD COLLEGE LIBRARY
FROM THE
HARVARD-YENCHING
INSTITUTE

AUG 30 1929

7 Ch L 9299.424

~~Ch L 9301.424~~

山堂肆考地理第二十卷

○海

博物志。天地四方。皆與海水相通。地在其中。蓋無
幾也。四海之外。皆復有海。東海之別。有渤海。滇海。
負海。通謂之滄海。南海之別。有漲海。西海之別。有
蒲昌海。蒲類海。青海。鹿渾海。陽池海。北海之別。有
瀚海。瀚海之南。有勃鞞海。沃連海。凡四海。通謂之
裨海。裨海外。復有大瀛海。環之。又海曰朝夕池。一
云。天池。一云。大壑。海神曰海若。

善下

老子曰。江海所以能為百谷王者。以其善下之也。

幾音低

哈佛大學哈佛燕京
圖書館珍藏印

山堂肆考

地理第二十卷

三

引晦

劉熙釋名。海。晦也。主引晦濁。其水黑而晦也。

地脉

關令內傳。天有五億五萬五千五百五十里。地亦如之。各以四海為脉。

地紀

文選。地以四海為紀。

浮天

漱音尤
澳音亦
漱音亦
冲音冲
流音杭
澗音炭

木玄虛海賦。於廓靈海。長為委輸。其為狀也。則乃漱澳。漱。澗。澗。浮天。無岸。冲融。沉灌。渺彌。炭漫。波如連山。乍合乍散。喻百川。洗滌。淮漢。襄陽。廣鳥。濶濶。浩汗。木華。字玄虛。晉人。

瀉音膠
瀉音葛

浴日

柳元宗文。今夫大海。其東無東。其西無西。其北無北。其南無南。旦則浴日。而西之夜。則滔列星。涵太陰。揚陰火。珠寶之光。以明。而塵靈之雜。不處也。

品物類生

木玄虛賦。其為器也。包乾之奧。括坤之區。惟神是宅。亦祗是廬。何奇不育。何恠不儲。茫茫積流。含形內虛。曠哉坎德。卑以自居。弘往納來。以宗以都。品物類生。何有。何無。

流波相薄

莊子曰。海水三歲一周。流波相薄。即為之地動。

蓬嶼

李顯凌僊賦。瞻蓬萊之秀嶼。冀東叟之可尋。將乍至而反
墜。患巨浪之相臨。

桑田

葛洪神僊傳。麻姑謂王方平曰。自接待以來。見東海三變
為桑田。向到蓬萊。水乃淺於往者。畧相半也。豈復將為陵
谷乎。方平乃曰。東海行復揚塵耳。

鮫室

根音寅。木玄虛賦。其根則有天琛水陸。鮫人之室。按北夢瑣言。鮫
人泉客。織鮫綃帕於水室。賣與人間。昔張建章為幽城司
馬。曾以府命行渤海。遇水僊。遺鮫綃帕。夏月溽暑。展帕滿
堂凜然。

蜃樓

漢書。海傍有蜃氣。為樓臺之狀。

海不揚波

考音奇。周成王時。越裳氏重譯來朝。譯曰。吾受命吾國之苗裔。天
無烈風淫雨。海不揚波。三。天意者。中國有聖人乎。蓋往
朝之。按越裳在交趾之南。阮昌齡作海不揚波賦。其畧云。
收碣石之宿霧。歛蒼梧之夕雲。八月靈槎泛寒光而靜去。
三山神闕。湛清影以逍遙。

海不擇流

秦李斯曰。泰山不讓土壤。故能成其大。河海不擇細流。故
能就其深。

出雲雨

公羊傳海千里潤注云海出雲雨及千里也。

受露霧

孫卿子曰海受露霧故能成其深。

百川學

楊子法言百川學海而至於海丘陵學山而不至於山。

萬川歸

莊子曰北海若謂河伯曰天下之水莫大於海萬川歸之不知何時止而不盈尾閭泄之不知何時已而不虛列子曰渤海之東有大壑焉實惟無底之谷名曰歸墟八紘九野之水天漢之流莫不注之而魚鼈魚滅焉注云歸墟即

尾閭也。

三神山

博物志滄海之中有蓬萊方丈瀛洲三神山以金銀為宮

闕僊人所集也

九老都

十洲記滄海島中有紫石宮室九老僊都。

弗溢弗損

垢音次

莊子曰東海之蠶語垢井之蛙曰夫海千里之遠不足以舉其大千仞之高不足以極其深禹之時十年九潦而水弗加溢湯之時八年七旱而涯不加損此東海之大樂也

不滿不竭

莊子曰。諄芒遇范風於大海之濱。范風曰。子將奚之。曰。將之大壑。大壑之為物也。注焉而不滿。酌焉而不竭。

迺地軸

隋楊師道望海詩。洪波迴地軸。孤嶼映雲光。落日驚濤上。浮天駭浪長。僊臺隱螭駕。水府汎鼉梁。碣石朝烟滅。之杳歸鴈翔。

杳音浮

浹天墟

宋吳淑海賦。浹天墟而浮析木。薄碣石而蕩之杳。

審知招商

六帖王審知欲招蠻夷商賈。海上波濤為沮。一夕風雨雷電震擊。開以為港。閩人以為審知德政所致。號為甘棠港。

王勃省父

唐王勃父福時。由雍州參軍。遷交趾。令勃往省父。渡海溺水而卒。

乘桴浮海

漢應邵風俗通。姜肱字伯淮。靈帝踐祚。徵肱為太守。肱告人曰。吾以虛獲實。蘊藉聲價。盛明之際。尚不委質。今政在私門。夫何為哉。遂乘桴浮於海。莫知其極。

抱板泛海

隋封德彝之少也。僕射楊素奇之。妻以姪女。常撫座曰。封即必居此座。後德彝計遼東舟沒。眾謂必死。素曰。封即當得侯射。未必死。未之封。因抱一板泛海中。力盡欲放。忽憶

楊公言。勉力持之。胸前為板所摩。肉破至骨。衆救得免。後官果至。僕射。

齊景樂治

說苑齊景公遊海上而樂之。六月不歸。告左右曰。敢言先歸者少。顏觸進曰。君樂治海。不樂治國。彼若有治國者。君安能樂此海乎。遂歸至中道。聞國人謀將不納之。

盧敖窮觀

淮南子曰。盧敖遊於北海。經乎太陰。入乎玄關。至於蒙穀之上。見一士焉。深目而玄鬚。淚注而鳶肩。豐上而殺下方。捲龜殼而食蛤蜊。敖就與之語曰。唯敖為背羣離黨窮觀於六合之外。周行四極。唯北陰之未窺。子殆可與敖為友。

益音春
良音浪

胸音絢

乎。若士者。蓋然。嘆曰。嘻。我南遊乎罔罟之野。北息乎沉墨之鄉。西窮窅窅之黨。東開鴻濛之光。此其下無地而上無天。聽焉無聞。視焉無胸。今子遊始於此。乃語窮觀。豈不遠哉。然子處矣。吾與汗漫期於九垓之外。乃舉臂而竦身。遂入雲中。按數燕人。秦始皇乃為博士。使求神僊。亡而不返。汗漫無紀極也。九垓九天也。

徐福尋僊

徐福。字君房。秦始皇遣福及童男女二千人入海尋神僊。不返。唐開元中有人於海中見之。

陳茂罵神

謝承後漢書汝南陳茂嘗為交趾別駕。刺史周敞涉海遇

風船欲覆沒。茂拔劍呵罵水神。風即息。

海中紅旗

宋趙鼎謫朱崖。自雷州浮海而南。顧見洪濤間紅旗靡靡相逐而下。疑為海寇。或外國兵甲呼問舟人。舟人搖手令勿語。恐怖之色可掬。急入舟。被髮持刀。出遂背立。割其舌出血滴水中。戒使臣閉目坐船內。凡經兩時。頃聞舟人相呼曰。更生更生。乃言曰。朝來所見蓋巨鱗也。平生未嘗觀所謂紅旗者此耳。

海中陰火

嶺表錄異。海中取魚。置陰處。有光初見以為怪。推其義蓋鹹水所生。凡海中水遇陰晦。波如燃火滿海。以物擊之。

迸散如星。有月即不復見。木玄虛賦。陰火潛燃。豈謂是乎。

過海思愆

周景式孝子傳。管寧字幼安。避地遼東。過海遇風。船人危懼。皆悔過。寧思惟。愆念昔年嘗如廁。不冠而已。向天叩頭。風亦尋息。

入海留語

唐讓皇帝穆宗親兄。不為太后所愛。故穆宗越次而立。讓皇不肯。臣穆宗遂造船入海。不知其處。臨入海時。留語四句。今刻在玉碑上云。小山壓大山。大山全無氣。羞見本邦人。將身投外裔。

煮石齋饑

親音靜。晉書鮑靚為南海太守。行部過海。遇風饑甚。取白石煮食之。以濟。按靚女為葛洪妻。善於贅疣。

鑿石開道

北夢瑣言。交趾以北。距南海有水路。多覆舟。高駢往視之。乃有橫石。隱在水中。因奏以開鑿海道之利。詔聽之。乃召工者。啖以厚利。竟去其石。至今賴之。

翻岸倒雲

濱海之人。遠望海水。似高於地。有如崖焉。蓋水氣也。故隋煬帝望海詩。遠水翻如崖。蓬山倒似雲。

積流疏派

唐太宗望海詩。積流橫地紀。疏派引天潢。僊氣疑三嶺。和

風扇八荒。拂潮雲布色。穿浪日舒光。照岸花分彩。迷雲鴈斷行。

馬銜當蹊

玄虛賦。若其負穢臨深。虛誓愆期。則有海童邀路。馬銜當蹊。天吳乍見。而髮鬢。蜃象暫曉。而閔歎。注云。海童馬銜。並海中神怪。

精衛填石

見山發鳩山。

慕容征郭

王隱晉書。慕容晃上言曰。正月十三日。臣躬征郭遠。假陛下天地之威。將士竭命。精誠感格。海為結冰。凌行海中。三

百餘里。臣及諸老言。自立國以來。無海水冰凍之歲。風俗通曰。積水曰凌。冰壯曰凍。

希堯使吳

五代史。段希堯使吳越。過海遭大風。左右皆恐怖。希堯曰。吾平生不欺。汝等恃吾。可無恐也。已而風止。

色如爛椹

杜陽雜編。南昌國有紫海水。色如爛椹。可以染衣。其魚龍龜鱉沙石草木。無不紫者。又十洲記。東有碧海。廣狹與東海等。水鹹苦。正碧色。

氣如圓窓

晉書。東海氣如圓窓。窓宏潤貌。與崢嶸同。今綱盡在竹格

窓音燈
一作窓

曰窓。又海船渡海。須當候氣。見黃氣。知有人烟國土。見白氣。知有山峯巖壑。見黑氣。則水也。

沙門島

沙門島。在登州府城西六十里海中。凡海舟渡遼者。必泊此。以避風。宋時嘗流放罪人於此。其巖磯牽牛。大竹。小竹。四島。皆與此島相連屬。紫翠巉絕。出沒波濤中。真神僊所宅也。上生白芝。又多美石。見蘇軾北海十二石記。

海門島

海門島。在通州南四十里海中。宋長編。國初犯歿獲貸者。多配隸於海門島。有屯兵使者領護之。

海運

宋季有海盜朱清者。嘗為富家傭。殺其主。亡入海島。與其徒張瑄。乘舟抄掠海上。備知海道曲折。尋就招懷。為防海義民元伯顏平宋時。遣清等載宋庫藏諸物。從海道入京。師授金符千戶。二人遂言海道可通。乃命總管羅璧暨瑄等造船六十艘。運糧四萬六千餘石。入京師。然創行海洋。亦逾年始至。朝廷不知其利。仍通舊運。尋因忙兀解言海運為便。遂立萬戶府四總其事。又併四府為都漕運萬戶府。命清瑄二人掌之。至成宗大德六年。二人破江南僧石祖進。撫其交番不法等事。伏誅。按輟耕錄。引杜工部出塞詩。漁陽豪俠地。擊鼓吹笙竽。雲帆轉遼海。粳稻來東吳。昔遊詩。幽燕盛用武。供給亦勞哉。吳門持粟帛。泛海凌蓬萊。

解擡上

觀此二詩。則唐時已有海運。朱張特舉行之耳。朱張皆揚州府通州人。

海市

登州府四面皆海。春夏時。遙見水面有城廓市肆。人馬往來。若交易狀。土人謂之海市。蘇東坡云。予聞登州海市舊矣。常以不見為恨。乃禱於海神廟。明日果見之。有詩云。東方雲海空復空。羣僊出沒空明中。蕩搖浮世生萬象。豈有貝闕藏珠宮。心知所見皆幻影。敢以耳目煩神工。歲寒水冷天地閉。為我起鰐魚龍。重樓翠阜出霜曉。異事驚倒百歲翁。

海溢

海溢。一曰海嘯。東漢質帝本初元年。夏四月。海水溢。桓帝
永康元年八月。海溢。靈帝建寧四年二月。海溢。梁武帝普
通元年。江淮海溢。唐高宗顯慶元年九月。括州大風。海溢。
總章二年九月。大風。海溢。漂沒六千餘家。宋元豐四年七
月甲午夜。靜海海門大風雨。沿海官私廬舍。漂沒二千七
百三十有六。元大德五年。暴風。江海水大溢。高四五丈。崇
明通泰。真州沿江之地。被災者三萬四千八百餘戶。皇慶
二年八月。崇明州大風。海溢。泰定三年十一月。崇明
海門等處。海溢。至正元年。通泰等州。海溢。溺歿一千六百
餘人。

海乾

唐道士葉靜能。有白衣老父。泣拜曰。被胡僧來呪水。海水
十涸。七八靜。能使朱衣人執黃符。往投之。海水復舊。老父
乃龍也。

海眼

唐金華子。北海縣。因祭地。得五銖錢。取之不盡。平得一石
記云。此是海眼。以錢鎮之。衆懼。復掩之。

海影

酉陽雜俎。海影翻側。言影倒懸也。

江

釋名。江者。公也。諸水流入其中。所公共也。禹貢。三
江既入。震澤底定。注云。松江下七十里。分流東北。

沿音浮

蟻音棒

入海者為婁江。東南流者為東江。併松江為三江。或云岷山為大江。至九江為中江。至徐陵江為北江。蓋一源而三目也。周禮職方氏東南曰揚州。其川三江。三江者東行至揚州復分為三道而入海。故揚州有三江也。蜀之三江則外水岷江。中水涪江。內水沱江也。禹貢九江。孔啟九江。即今之洞庭。在長沙下雋西北。今沅水。漸水。沅水。辰水。叙水。酉水。澧水。資水。湘水。皆合於洞庭是也。潯陽記九江一烏白江。二蟻江。三烏土江。四嘉靡江。五猷江。六浮江。七廩江。八提江。九菌江。是也。枚乘七發觀廣陵之曲江。今揚州是也。始興郡有曲江。今韶州是也。

也。廣雅江神謂之奇相。

龍負舟

呂氏春秋大禹南省方濟江黃龍負舟。

鼃為梁

紀年周穆王東巡至九江叱鼃鼃以為梁。

得萍實

家語楚昭王渡江有物大如斗圓而赤直觸王舟舟人取之王大恠使人之魯問孔子孔子曰此萍實也可剖而食之吉惟霸者能獲之使返王遽食之甚美。

採菱華

傳玄歌有女殊代生涉江採菱華又郭璞江賦水物恠錯。

則有玉珧海月。土肉石華。

弔屈

楊雄字子雲。成都人。其作書往往摭離騷而反之。自岷投諸江流。以弔屈原。

罵胥

漢書吳郡王閔渡錢塘江。遭風船欲覆。閔拔劍砍水。罵伍子胥。風遂息。得濟。

鼓楫過江

漢建初中。張禹拜揚州刺史。過江行部。中土人皆以江有子胥之神。難於濟涉。禹厲聲言曰。子胥如有靈。知吾志在理察枉獄。豈危我哉。遂鼓楫而過。郡邑深幽之處。莫不畢

到。

擊楫渡江

晉祖逖為奮威將軍。北渡江中流。擊楫而誓曰。不清中原而復濟者。有如此江。

龍明

龍門江在安南嘉興州蒙縣。源出雲南寧遠州。至此橫截江流。中分三道。飛湍聲聞百里。傍有穴。多出鸚鵡魚。色青綠。口曲似鸚鵡嘴。

馬湖

馬湖江在叙州府城南。源出沈黎實大度之支流也。亦名瀘水。一名金沙江。諸葛亮渡瀘。即此江之上流也。

濫觴

家語。江水始出岷山。其源可以濫觴。及其至於江津。不方舟。不避風。不可以涉。

縈帶

袁崧宜都記。對西陵南岸有山。其峯最孤秀。人自山南上至頂。俯臨大江。如縈帶。視舟船如鳧鴈。

待符

楚昭王出游。留夫人貞姜於漸臺。江水大至。遣使者迎夫人。忘持符。夫人曰。王與宮人約。召必以符。今使者不持符。妾不敢行。於是使者返取符。還臺已壞。夫人沉水而死。

解珮

韓詩外傳。昔鄭交甫遊於江漢。過漢臯。遇二女妖服珮。兩珠如荆雞卵。交甫與言曰。願請子之珮。二女解珮與交甫。懷之。去十步。探懷中。則亡矣。回顧二女亦不見。相傳江陽州城西四十里。瀕漢江。范滂市。即交甫遇二女處。或曰二女即湘妃。

吐貝

春秋。運斗樞。瑤光得則江吐大貝。

泣珠

吳都賦。泉客慷慨而泣珠。

水出崦山

崦音來。山海經。崦山東北百三十里。為崦山。江水出焉。又東北五

十里為岷山。江水出焉。東流注於大江。

水流潯陽

郭璞江賦。分二源於岷嶽。流九派於潯陽。

學字

四川保寧府有巴江。源出大巴山。至巴縣東南。分為三流。而中央橫貫。勢若巴字。流二十里。合清水江。至合州。與嘉陵江合。又名字江。唐李遠詩。杜宇呼名語。巴江學字流。

投書

蕭方等三十國春秋。光祿勳殷羨之字洪喬。為豫章太守。將行。都下貴游。因寄書百餘函。羨之行。至石頭板橋。投書於江。曰。沉者自沉。浮者自浮。殷洪喬不能為人作致書郵。

過采石

五侯鯖錄。石白過采石江。酒狂。入水捉月而死。

使高麗

宋呂惠公端使高麗。渡江遇風濤。檣折舟人大恐。公怡然讀書。若在齋閣時。

扣舷而唱

隱逸傳。晉賈克渡江。謂夏統曰。能作鄉土地間曲乎。統曰。國人痛伍子胥忠烈。為小海唱。於是以足扣舷。引聲清激。風起。晝瞑。眾皆恐懼。克令妓女盛服。金翠繞其舷。三四統若魚聞。克曰。此吳兒木人石心也。

扣舷而還

唐袁天綱字客師嘗渡江扣舟而還或問故曰船中人鼻下氣皆黑不可以濟俄有一男子跛而負就舟客師曰貴人在吾可以濟矣江中風起幾覆得免跛男子乃婁師德也。

耒陽漂水

小說杜甫客耒陽一日過江舟中飲醉是夕江水暴漲甫為水所漂之其屍不知落於何處玄宗思子美詔求之聶令乃積空土於江上曰子美為白酒牛炙脹飽而歿元稹作甫墓志謂甫扁舟下荆楚竟以寓卒旅殞岳陽其後遷柩偃師又韓退之題子美墓曰今春偶客耒陽路悽慘來尋江上墓招手借問牧牛兒牧兒指我祠堂處一堆空土

烟蕪裏空使詩人悲嘆起怨聲千古寄西風寒骨一夜沉秋水當時處處多白酒牛炙如今家家有飲酒食肉肯如此何故常人無飽死捉月走入千尺波忠諫便沉汨羅底固知天意有所存三賢所歸同一水過客留詩千百人千古醜聲竟誰洗明時好古嫉惡人應以我意知終始按小說所載人皆辨其誣觀韓詩又似真有此事矣耒陽今隸衡州府

白口阻風

白居易白口阻風詩洪濤駭浪塞江津處處遭迴事事屯世上方為失途客江頭又作阻風人

陶侃投棋

晉陶侃都督荊州參佐或以戲廢事者乃取其蒲博棊局之具悉沒於江

榮老獻扇

冷齋夜話王榮老嘗宦於觀州欲渡觀江七日風作不得濟父老曰公篋中必蓄奇物此江神極靈當獻之得濟榮老有玉麈尾即以獻之風如故又以端硯獻之風愈作又以宣包虎帳獻之皆不驗夜臥念曰有黃魯直草書扇頭題韋應物詩曰獨憐幽草澗邊生上有黃鸝深樹鳴春潮帶雨晚來急野渡無人舟自橫公即取視之倘恍之際曰我猶不識鬼神識之乎持以獻之香火未收天水相照如兩鏡展對南風徐來一帆而濟

清白

清白江在城都新繁縣北宋趙抃過此曰吾志如此江清白雖萬類混淆其中不少濁也因名

混同

混同江在遼東源出長白山北流經五國城又北合松花江東注於海

色如鴨頭

唐書東夷列傳有馬訾水出靺鞨之白山色若鴨頭故名鴨綠江西南流至安市市入海唐太宗征高麗耀兵於鴨綠水即此

源出龍鼻

四川保寧府有清漪江源出落叢山至龍鼻山合六溪水至彰明縣會於涪江。

青龍

青龍江在松江府城北上接松江下通滬瀆吳孫權造青龍戰艦於此故名又吳江縣東南有白蜺江嘉定縣西南有白鶴江。

白馬

白馬江在成都崇慶州東北源自晉源廢縣東入新津縣界。

堯咨神護

翰府名談宋陳堯咨泊舟三山磯有老叟曰來日午後有

大風舟行必覆宜慎之來日天晴萬里無片雲舟人請解纜公曰更待之同行舟皆離岸公托以他事未行日午俄有黑雲起於天末大風暴至怒濤若山舟多沉溺公驚冀人見前叟曰其實非人乃江之遊奕將也以公他日當作宰相司當奉告公曰何以報德叟曰貴人所至龍神理當衛護願得金光明經一部足矣公許之至京以金光明經三部遣人詣三山磯投之復夢前叟曰本期得一公賜以三當公連陞數秩再拜而去。

蘇頌孝感

宋蘇丞相頌知婺州沂桐江水暴迅舟橫欲覆魏國太夫人在舟中幾溺矣公哀號赴水救之舟忽自正太夫人甫

出及岸舟乃覆衆以為誠孝所感

舟中私語

唐張柬之代楊元琰為荊州共乘船江中私語外家革命元琰悲涕慷慨志在王室後柬之執政引琰為羽林將軍謂曰江上之言君毋忘之

舟中危坐

程伊川賦涪州渡漢江中流船幾覆舟中人皆號哭伊川獨正襟危坐如常已而及岸同舟有父老問曰當船危時君獨無怖色何也伊川曰心存誠敬耳

色若黛玉

嘉陵江源出陝西鳳縣嘉陵谷經廣元昭化等州至四川

保寧府其曰閬水巴水渝水漢水皆此江之異名杜甫詩嶺陵江色何所似石黛碧玉相因依正憐日破浪花出更復春從沙際歸

水若玻璃

玻璃江在眉州驀頤山下即岷江也源出岷山瑩若玻璃因名一名墓頤津即唐田令孜沉孟昭圖處

馬援觀鳶

容江在梧州府容縣南源出北流縣葦石鄉東過藤梧至廣東番禺縣入海漢馬援征蠻仰觀飛鳶跼跼墮水中即此江

謝端得螺

螺江在福州府城西北。按搜神記。閩人謝端於江邊得一螺。大如斗。畜之家。端每歸。盤餐必具。因密伺之。乃一姝。甚麗。問之。答曰。我天漢中白素女。天帝遣我為君具飲食。今當別去。留殼與君。端用以盛糧。其米常滿。江以此得名。

錦江

成都記。濯錦江。秦丞相張儀所築。蜀人以此水濯錦鮮明。故名錦江。

繡江

繡江在梧州府藤縣東南。源出廣東高州府雙威寨。北流經容縣。至此與藤江合。為大江。又桂林府有湘灘二江。其源同出。與安縣海陽山。流至五里。分為二。南為灘水。又名

桂江。漢討南粵。戈船將軍出零陵。下灘水。即此。流至二百里。合癸水。至桂林府城下。合相思江。入梧州界。謂之湘水。

說文。河者下也。隨地下流而通也。河神曰水夷。亦曰魚夷。即馮夷也。馮夷以八月。上庚日。渡河。溺死。天帝署為河伯。又博物志。馮夷。澤鄉人。得僂道。

山堂肆考地理第二十一卷

山堂肆考地理第二十一卷

○河

說文。河者。下也。隨地下流而通也。河神曰水夷。亦曰魚夷。即馮夷也。馮夷以八月上庚日渡河溺死。天帝署為河伯。又博物志。馮夷。潼鄉人。得僊道化。為河伯。

瀆宗

穆天子傳。河與江淮濟為四瀆。河者。四瀆之所宗也。說苑。四瀆何以視諸侯。能蕩滌垢污焉。能道百川於海焉。能出雲雨千里焉。為施甚大。故視諸侯。

水伯

山堂肆考

山堂肆考

二百六十五

孝經援神契黃河者水之伯上應天漢

導積石

夏書導河積石。至於龍門。南至於華陰。東至於底柱。又東至於孟津。東過洛水。至於大陸。又北播為九河。同為逆河。入於海。

出崑崙

水經注及山海經注。河源出崑崙之墟。東流潛行地下。至規期山北流。分為兩源。一出葱嶺。一出于闐。其河復合。東注蒲昌海。

包砥柱

水經砥柱山名。河水分流包山而過。山見水中。若柱然。

冒石門

山海經積石之山下有石門。河水冒以西南。注云。冒猶覆也。

九折

淮南子曰。河水九折注海。而流不絕者。有崑崙之輸也。

八枝

漢世河決金隄。議者欲求九河故迹而穿之。未知其所以。班固曰。自茲距漢。亡其八枝也。

十年一清

拾遺記。丹丘千年一燒。黃河千年一清。聖人之大瑞也。羅隱詩。莫把阿膠向北傾。此中天意固難明。解通銀漢應須。

曲纔出崑崙便不清。高祖誓功衣帶小。僊人占斗客槎輕。
三千年後知誰在。何必勞君報太平。

千里一曲

河圖河水出崑崙。千里一曲九曲入海。

三日而變

易乾鑿度天降嘉應。河水先清。三日清變為白。白變為赤。
赤變為玄。玄變為黃。各三日。

三日不流

穀梁傳梁山崩壅河。三日不流。晉侯召伯尊。伯尊遇輦者
問焉。輦者曰君親素縞。帥羣臣哭之。既而祠焉。斯流矣。伯
尊至君問之。伯尊如其言。而河遂流。

魚躍舟

本紀武王渡河中流。白魚躍入王舟中。

龍黃水

河圖黃帝夢兩龍授圖。乃齋詣河洛求之。有大魚泛白圖
泝流而上。帝跪而受之。又運斗樞。舜以太尉即位。與三公
臨觀於河。有黃龍五采。負圖置帝前。黃入水而去。

禹疏

孟子禹疏九河。滄濟漯而注諸海。

穆祭

穆天子西征。獵於滄澤。獲白狐玄貉。以祭河宗。

出圖

黃音帝

禮運河出馬圖言龍馬負圖而出也

為崇

左哀六年楚昭王有疾卜河為中大夫請祭王曰江漢睢漳楚之望也河非所獲罪也

子朝沉珪

穆天子傳王子朝用成周之寶珪沉於河乃自浮出津人得之河上陰不佞以温人南侵拘得王者取其玉將賣之則變為石王定而獻之與之東訾注云王定而獻之言敬王定位不佞以珪來獻也

澹臺毀壁

水經注昔澹臺子羽齎千金之璧渡河陽候波起兩蛟挾

舟子羽曰吾可以義求不可以威劫操劍斬蛟蛟死成休乃投壁於河三投輒躍出乃毀壁而去示無恠意左傳二十四年晉文公及河子犯以壁授公子曰臣之罪甚多請由此亡公子曰所不與舅氏同心者有如白水投其壁於河

抱石沉

韓詩外傳申徒狄非世將自投於河崔嘉聞而止之曰吾聞聖人仁士之於天地間也民之父母也今為濡足之故不救溺人可乎申徒狄曰不然桀殺關龍逢紂殺王子比干而亡天下吳殺子胥陳殺洩冶而滅其國故亡國殘家非無聖智不用故也遂抱石而沉於河君子聞之曰庶矣

如仁歟則吾未之見也

臨流漢

魏志袁紹渡河。祖授臨流而嘆曰。上盈其志。下矜其功。悠悠黃河。吾其濟乎。

麾陽侯而渡

淮南子曰。武王伐紂。至孟津。陽侯波起。人馬不相見。武王左操黃鉞。右執白旄。瞑目而麾曰。余在天下。誰敢害余者。於是波息。遂渡。

傷鳴犢而還

家語孔子之晉及河。聞趙盾子殺實鳴犢及舜華。乃臨河而嘆曰。美哉洋洋乎。丘之不濟此命也。子貢趨而進曰。敢

問何謂子曰。實鳴犢舜華賢大夫也。而殺之。丘聞之。創胎殺夭。則麒麟不至其郊。竭澤而漁。則蛟龍不處其淵。覆巢破卵。則鳳凰不翔其邑。何則。君子諱傷其類也。遂還。

灌百川

莊子曰。秋水時至。百川灌河。涇流之異。兩涘涯渚之間。不辨牛馬。漢書成帝時。河決潰金隄。凡灌四郡。河隄使者王延世。塞以竹。落長四丈。大九圍。盛以小石。兩船夾載而下之。三十六日。河隄成。改元河平。

潤九里

漢紀郭伋為潁川太守。光武詔曰。賢能太守。去帝城不遠。河潤九里。冀京師并蒙其福。

河上築宮

史記漢文帝時河決酸棗潰金隄武帝元封中河決瓠子天子臨河沉白馬玉璧令羣臣從官自將軍以下皆負薪填決河取淇園之竹以為捷天子悼功之不成乃作瓠子之歌卒塞瓠子築宮其上名曰宣房宮而道河北行

河畔築堤

隋煬帝自板渚引河達於淮海謂之御河河畔築御堤以植柳

延年開嶺

漢武帝時齊人延年上書請令水工開大河上嶺出之胡中東注之海則關東長無水災北邊不憂匈奴此功一成

萬世大利上壯之

張騫窮源

漢書張騫使大夏窮河源惡覩所謂崑崙者乎

賈讓獻策

漢哀帝時賈讓奏治河三策徙其當水衝之人以避之放河使北入海泛濫暮月自定不勞人力謂之上策若多穿漕渠使人得以溉田謂之中策繕完故隄勞費無已此最下策也

鮑照為頌

宋元嘉中河濟俱清照為河清頌

王景賜書

水經注。漢明帝永平中。議治汴渠。上引樂浪人王景問水形便。因賜景山海經河渠書。禹貢圖。發卒數十萬。詔景與將作謁者台渠防。起自滎陽。至於乘海口千餘里。景商度地勢。鑿山開澗。隄遏衝要。䟽決壅積。十里一門。水更相迴注。無復潰漏之患。明年渠成。詔濱河郡國置河隄員吏。如西京舊制。

成公著賦

晉成公綏嘗著大河賦。貫中夏之畿甸兮。經朔狄之遐荒。歷二周之北境兮。流三晉之南鄉。秦自西而啟壤兮。齊據東而畫疆。殷徒涉而永固。衛遷濟而遂強。趙決流而却魏。羸引溝而滅梁。思先哲之攸歎。何水德之難量。

秦瑞

史記。秦滅六國。自以為獲水德之瑞。更名河曰德水。

魏寶

吳起為魏西河守。武侯浮西河而下。中流顧謂起曰。美哉山河之固。此魏國之寶也。起曰。在德不在險。

竹箭流

慎子曰。西河下龍門。其流駛竹箭。駟馬追之不及。

桃花水

漢溝洫志。河決而桃花水洋溢。注云。三月水漲。名桃花水。神魚舞河。

漢紀宣帝詔。東濟大河。天氣清淨。神魚舞河。

偃鼠飲河

莊子曰。偃鼠飲河。不過滿腹。

○淮

釋名。淮。圍也。圍繞揚州北界。東至海也。

會沂泗

夏書。導淮自桐栢。合於沂泗。東入於海。

出桐栢

山海經。淮水出南陽平氏縣桐栢山。其源初則湧出。復潛

流三十里。然後長啓焉。

貢珠魚

蟻音駢。夏書。淮夷貢蟻珠。既魚。注曰。蟻。蚌之別名。

出兵賦

唐第五琦曰。兵賦之所出。以江淮為淵。

禹又

夏書。淮沂其又。注。淮沂。二水名。徐之川。莫大於淮。淮又則自泗而下。凡為川者。可知矣。徐之浸。莫大於沂。沂又則自沐而下。凡為浸者。可知矣。又。治也。

召平

周宣王命召穆公平淮南之夷。詩人美之。作江漢詩。

泗水下注

唐文粹。呂周任泗州大水。記山泐桐栢。發洪歎湧。下注淮

勅音勒
飲音噴

漬。

汴水入關

唐五行志。中和三年。汴水入於淮。水關壞。船數艘。

橘化枳

周禮。橘踰淮而為枳。此地氣然也。

雀為蜃

國語。趙簡子嘆曰。雀入淮為蜃。龜鼈莫不變化。唯人不能。悲夫。郭璞遊僊詩。六龍安可頓。運流有代謝。淮海變微禽。吾生獨不化。

舫艦渡淮

唐杜祐為徐州節度使。張建封卒。軍亂。立其子。情請於朝。帝不許。詔祐節度淮泗。討平之。祐具舫艦。遣將渡淮。

鐵鎖絕淮

唐咸通中。龐勳反。圍城。淮南節度使令狐絢遣牙將李泗屯淮口。與郭本厚合。為所敗。由是援絕。泗州刺史杜愔乃以鐵鎖絕淮流。梯衝乘城。

粵府

焦貢易林。江河淮海。天之粵府。眾利所聚。

都市

易林。江河淮海。天之都市。商人受福。國家富有。

獲渦水神

古嶽瀆經。禹治水。三至桐栢山。獲淮渦水神。名曰無支祁。形猶獼猴。力踰九象。人不可視。乃命庚辰制之。是時木魅。

水靈山妖水恠奔號叢統幾以十數庚辰持戟逐去遂鎖龜山之足淮水乃安。

封長源王

五代楊溥二年正月封淮瀆為長源王。

潛周鼎

楚詞潛周鼎於江淮今注云言藏九鼎於江淮之中也。

沉魏壁

魚豢魏畧魏文帝黃初六年以舟軍入淮遣使者沉壁於

淮記

韓鈞

水經淮水東經淮陰縣漢韓信嘗釣於此處。

玉浮

東漢王粲有浮淮賦從王師以南征今浮淮水而遐逝。

染指

宋徐仲車詩淮之水淮之水春風吹春風洗青於藍綠染指魚不來鷗不起歛歛灩灩天盡頭祇見孤帆不見舟殘陽欲落未落處盡是人問古今愁可奈何可奈何莫使騷人問棹歌我曹盡是浩歌客笑聲酒面春風和又馬子才長淮謠長淮之水青如苔行人但覺心眼開。

損神

宋范文正公淮上遇風詩一棹危于葉傍觀欲損神他年在平地無忽險中人。

擷芳弔水

隋徐彥伯淮亭吟。擷瑤芳兮弔楚水。弄琪樹兮歌越岑。

沽酒聽歌

宋唐子方介。謫官渡淮。遇風舟欲覆。作詩。聖宋非狂楚。清淮異汨羅。平生仗忠信。今日任風波。舟楫顛危甚。魚龍出沒多。斜陽幸無事。沽酒聽漁歌。

○濟

釋名。濟者。濟也。言源出河北。濟河而南也。山海經。濟水出河東。平郡垣曲縣王屋山。初名沆水。東出温縣西北。始名濟水。禹貢所謂導沆水東流為濟。入於河。溢為泲。是也。注云。泉源為沆。流去為濟。

沆音亮

達河

夏書。浮於濟。達於河。注云。舟行水曰浮。交之貢賦。浮。濟。浮。深。達於河也。帝都冀州。三面距河。達河。則達帝都矣。

注海

淮南子曰。江出岷山。河出崑崙。淮出桐柏。濟出王屋。潁出少室。漢出嶓冢。分流外馳。注於東海。所行則異。所歸則一。

吳溝

趙擘吳越春秋。吳王夫差。與兵伐齊。掘為深溝。通於齊魯之間。北屬之濟。

齊阻

戰國策。張儀說齊王曰。齊據濟。足以為阻。

通百川

見河瀆宗

紀一方

通典祭大濟文播通四氣作紀一方。

關水

戴延之西征紀濟水自大坯入河與河水關而東流。

截流

孔安國注濟水入河並流數千里而截河又並河數里溢為榮澤。

馮征

馮衍明志賦流山岳而周覽狗碣石與洞庭浮江河而入

海沂淮濟而上征。

袁汎

袁宏北征賦背梁山截汶波汎清濟傍祝阿。

獨尊

唐太宗問許敬宗曰天下洪流巨谷不載祀典濟甚細而在四瀆何也對曰瀆之為言獨也不因餘水獨能赴海者也濟潛流屢絕狀雖微細獨而尊也帝曰善。

同靈

唐李甘濟為瀆問今盡濟水之力載數石之舟廣不能橫深不能浮而曰與河同靈等秩吾不知先王班祀之意何如也。

宜麥

淮南子曰。濟水通和宜麥。

沒蒿

杜甫苦雨詩。濟上沒蓬蒿。

○漢

漢水源出隴西郡番塚山。由漢中府。流經鄖縣。及均州光化縣。至襄陽府城北。又東南宜城縣。抵安陸州。至大別山入江。其水因地而名。曰漾。曰沔。曰漢。曰滄浪。總名之為漢。漢水多生瘦。又生粗脛。其樹木亦多瘦。大抵水土使然。按說先儒皆疑漢沔為一。今考二水源流不同。漢水即禹貢嶓嶷導漾。

東流為漢是也。沔水。即書疏沔水下尾。與漢合流。乃入江是也。

朝海

夏書。江漢朝宗於海。

闔江

水經。自沔與江合流。東過彭蠡澤。注云。漢與江闔。轉東成澤。

膠舟

周昭王南征。至漢。舟人膠其舟。王遂溺歿。

亡劔

水經。襄陽故城北。枕沔水。昔張公遇害。亡劔於此。

楚望

見河為崇。

荆川

周禮正南曰荆州。其川江漢。其浸潁湛。

沉玉

左定三年。蔡昭侯為兩佩與兩裘以如楚。獻一佩一裘於昭王。昭王服之。以享蔡侯。蔡亦服其一。子常欲之。不與。三年止之。後蔡侯歸。及漢執王而沉曰。余所有濟漢而南者。有如大川。蔡侯如晉。以其子元與其大夫之子為質。而請伐楚。

含珠

盛弘之荆州記。荆蘊玉以潤其區。漢含珠而清其域。張衡南都賦。耕父揚水於清冷之水。游女弄珠於漢臯之曲。

對月谷

水經。漢水右對月谷山。

配天漢

蔡邕漢津賦。配名位於天漢。今披厚土而載形。發源自乎蟠塚。今引漢澧而東。征。

築堤暗害

唐會昌中。漢水害襄陽。拜盧鈞為山南東道節度。更築堤六十里。以障漢。鈞字子和。

為堤過偏

唐張柬之刺襄州。會漢水漲。齧城郭。東之因壘為隄。以遏
湍怒。

六師俱喪

周昭王十九年。天大曠。雉堞皆震。喪六師於漢。三十六年。
伐楚涉漢。遇大兇。

七軍皆沒

蜀關羽攻樊。時漢水溢于樊。等七軍皆沒。

善夷責神

唐文粹。李善夷過漢水。見波濤而責之。以辭曰。漢之廣兮。
風波四起。雖有風波。不如蹄泔之水。蹄泔之水。不為下國。
而傾天子。漢之深兮。其混莫量。雖曰莫量。不如行潦之汪。

鮎音房

行潦之汪。不為下國。而溺君王。漢之美者曰鮎。吾雖饑。不
食其鮎。恐汚吾之饑腸。

交甫遇女

見江。

潛壘

蜀少府王謀等。上言。前襄陽男子張素。王休獻。玉爾。爾潛
漢水。其光徹天。

出鐘

宋書。漢中固城縣。漢水岬。淙有異聲如雷。俄頃岬崩。有銅
鐘十二。出自潛壤。體制既精。扣之清亮。

沉碑紀功

水經沔水東經萬山山下有潭昔晉杜預南征紀功勒為
二碑一立萬山上。一沉萬山下潭中。曰千載之下何知深
谷不為陵乎。萬山在襄陽府西十里。舊與南郡鄧縣分界。
唐鮑溶詩。襄陽太守沉碑意。身後身。前幾年事。漢江千古
未為陵。水底魚龍應識字。

揮劍除害

荆州記沔水隈潭極深。先有蛟為害。鄧遐為襄陽太守。拔
劍入水。蛟繞其足。遐自揮劍截蛟數段。流血水丹。蛟患遂
息。

○洛

春秋說題辭。洛之為言。言繹也。言水繹繹光耀也。魚

泰略。初漢為火行。火忌水。故洛字去水而加佳。魏
為土行。土水之母。水得土而流。土得水而柔。故雒
字去佳而加水。易。乾鑿度。盛德之應。洛水先温。九
日乃寒。五日變為五色。玄黃。

出冢嶺

夏書。導洛自熊耳。東北會於澗瀍。又東會於伊。又東北入
於河。注云。熊耳。盧氏之熊耳也。洛水出冢嶺山。禹只自熊
耳導之耳。

出獵山

淮南子曰。洛水出獵山。

鳳歌

沈約宋書黃帝齋於中宮坐於玄扈洛水之上有鳳凰集不食生蟲不履生草其雌自歌其雄自舞銜圖置帝前圖以黃金為匣

犬吠

李白贈武十七詩秋犬吠清洛天津成塞垣

龍見

易乾卦帝王始興河洛龍見

魚流

帝王世紀黃帝時大霧三日帝遊於洛水之上見大魚因殺五牲以醮之天乃甚雨七日七夜魚流而得圖書今河圖視萌篇是也

稷讀曰

赤光起

尚書中候堯率羣臣東沉璧於洛退至於下稷赤光起龜負書出赤文成字

青雲浮

尚書中候武王觀於河沉璧禮畢且退至於日昧熒光塞河青雲浮洛赤龍臨壇銜玄甲之圖吐之而去

沉璧

帝王世紀湯時有神牽白狼銜鈎入殷朝者乃東觀沉璧於洛獲黃魚黑玉之瑞於是始受命稱王

吞珠

帝王世紀漢高祖母昭靈后名含始遊於洛池有玉雞銜

珠刻曰吞此者王含始吞之而生高祖。

青鯉

河圖黃帝遊洛水見鯉魚長三丈身青無鱗赤文成字。

玄龜

沈約宋書玄龜洛書者天符也王者德至川泉則洛出龜書。

周公卜

周書我乃卜澗水東溼水西惟洛食我又卜溼水東亦惟洛食。

子晉遊

王子晉好吹笙作鳳鳴常遊伊洛遂得僊。

三川震

史記周幽王二年西周三川皆震伯陽甫曰昔伊洛竭而夏亡河竭而商亡今周德若二代之季矣山崩川竭亡之徵也徐廣曰三川涇渭洛也。

二水關

國語周靈王二十二年穀洛二水關將毀王宮王欲壅之太子晉曰晉聞古之長民者不墮山不崇數不防川不實澤是以民生有財用而必有所葬王不聽卒壅之及景王多寵人亂於是始生注云關者兩水相格似關也毀王宮者洛在王城之南穀在王城之北靈王時穀水盡出於王城之西南流合於洛水毀王城西南將及王宮也。

流王

山海經。秦冒之山。洛水出焉。東流注於河。其中有藻玉。

墜鍾

簾音巨。孫嵩宋書。高祖平關洛。致鐘簾舊器南還。一大鐘墜洛水。

居浹作賦

潘岳閑居賦。退而閑居于洛之浹。

巡堤咏詩

唐劉禹錫嘉話。高宗時。天下無事。上官儀獨持國柄。常凌晨赴朝。巡洛水堤。步月緩轡。詠詩音韻清亮。望之若僊。其詩曰。脉脉廣川流。驅馬歷長洲。鵲飛山有曉。蟬噪野風秋。適之修防。

唐玄宗患洛水歲暴。耗徭力。詔李適之以禁錢作三大防。曰上陽曰積翠。曰月陂。自是水不能為患。

昭德繕橋

初洛有二橋。司農卿常弘機徙其一。置長夏門。人皆利之。然洛水歲淤。蓄之繕者告勞。李昭德始累石代柱。銳其前。使殺暴濤。水不能怒。自是無患。

宜禾

淮南子曰。洛水輕利。宜禾。

有石

琴音豫。述征記。洛水底有礬石。故上魚水。

渭

春秋說題辭渭之為言布也渭渭流行貌雜兵志
東海出氣如鼈渭水出氣如蜃。

導同穴

夏書導渭自鳥鼠同穴東會於澧又東會於涇又東過漆
沮入於河河圖鳥鼠同穴山地之幹也渭水出其中。

浸雍州

周禮雍州其浸曰渭洛。

迎太姒

倪音謹詩大雅大邦有子倪天之妹文定厥祥親迎於渭。

遇太公

奸音干史記太公望者東海上人以漁釣奸周西伯西伯將獵卜

曰所獲非龍非麇非熊非羆霸王之輔於是西伯獵果遇
太公於渭水之陽與語大悅載與俱歸。

水貫天漢

三輔記秦作離宮於渭南北渭水貫都。以象天漢橫橋南
渡以法牽牛橫橋即中渭橋也在西安府西北。三輔舊事
漢都渭南開北闕以臨渭。

祀北大川

沈約宋書秦漢都西京涇渭雖不在祀典以其近咸陽故
皆得祀大川之祀。

出周鼎

史記漢文帝十五年趙人新垣平以望氣見上說上立渭

陽五帝廟曰周鼎。亡在泗水中。今河溢通泗。臣望東北汾陰。自有金寶氣。意周鼎其出乎。兆見不迎。則不至。於是上使治廟汾陰。祀以出鼎。

得燕壘

王景暉南燕書。姚秦皇初三年。歲在丁酉。於長安渭濱得赤壘。上有文字曰。天命燕德。

投錢

三輔決錄。安陵清者頂。仲山飲馬渭水。每投二錢。

出椀

西陽雜俎。景龍寺前街中。舊有巨井。俗呼為八角井。元和初。有公主夏中過之。令從婢以銀椀投井。承水。悞墜椀。

於井。經月餘。此椀出於渭河。

漢武造橋

東渭橋在西安府東北。漢高祖造以通櫟陽之道。西渭橋在西安府西北。故長安城西。漢武帝造跨渭水以通茂陵。以其對便門。故亦名便橋。唐時名咸陽橋。

符健設壇

裴景仁符書。符健至長安。賈玄等上尊號。依舊儀。立百官。設壇城南渭水之陽。

趙屯

漢趙充國屯田于渭濱。

馮耕

馮衍賦序馮子耕於驪山之阿渭水之陰廢弔問之禮絕
游宦之路眇然有超物之心無偶俗之志

乘輿馬驚

漢張釋之為廷尉文帝出中渭橋有一人從橋下走出乘
輿馬驚使騎捕屬廷尉釋之奏此人犯蹕當罰金

帝閑馬化

桀宗元龍馬贊明白皇在位靈昌郡得異馬於河其狀龍鱗
虺尾拳毛環目肉鬚居帝閑二十年遇祿山亂帝西幸至
咸陽西入渭水化為龍游泳而去不知所終

渭橋女星

陳壽益部耆舊傳漢武時張寬為侍中從祀甘泉至渭橋

後周宇文道至渭源詩曰合流應不雜方知性本清

○涇

產音庭
音廢

升音聲
二音

關中記涇與渭洛為關中三川與渭灞澹滂潏豐
瀉為關中八水辛氏三秦記及山海經注涇水出
安定郡涇陽縣西正八頃山東南經新平扶風至京
兆高陵縣而入渭出渭水合流三百里清濁不相
雜詩國風涇以渭酒

引水為渠

漢武時趙中大夫白公奏牙渠引涇水首起谷口尾入櫟
陽注渭中二百里溉田四十五百頃名曰渠人得其饒

水為崇

史記秦二世夢白虎鬪其左驂馬殺之心不樂恠問占夢
卜曰涇水為祟二世乃齋於望夷宮祀之沉四白馬於涇
水

毒置上流

左襄十四年晉侯伐秦濟浮而次秦人毒上流師人多歎

祀北大川

見渭

富流

李庾西都賦其地勢也帶涇渭之富流

穢跡

掃子愚溪序秦有水埒汨泥淖撓泥沙礫乃合清渭自彰

有女子浴於渭水乳長七尺上恠問之女曰後第七車
中知我所來時實在第七車對曰天星主祭祀昔齊威
潔則女人星見一統志所載女子浴於涇河

渭橋道術

葛洪神僊傳附馬都尉北海巫炎字子都漢武帝出巡子
都見於渭橋上見炎頭上鬱鬱有紫氣高丈餘召東方朔
使相此君有何道術對曰此君有陰道之術

龍飲

辛氏三秦記龍首山長六十里頭入渭水尾達樊川高二
十丈昔有黑龍從南山出飲渭水其行道因成土山名龍
首

雞翎

裴景仁符書符健皇始四年冬山雞來入人家栖宿養子而去又羣聚傍渭水游翔與家雞無異

觀蛙

唐志神龍中渭水有蛙大如鼎里人聚觀數月而失

抱馬

安祿山反王師敗績僕固懷恩至渭水無舟抱馬鬣以逸

水赤

漢書昔三代居三河而河洛出圖書秦居渭陽而渭水數赤瑞異應德之效也

性清

穢跡故名曰濁涇

山崩水涸

淮南子曰。碯山崩而薄洛之水涸。高誘注。碯山在雍。薄洛之水。涇水也。蓋涇水出薄洛山故耳。

岸積流壅

漢武帝河平四年長陵臨河岸積壅涇流

請開支渠

唐黎幹。成州人。大曆十三年。涇水擁隔。請開鄭司支河。復秦漢故道以溉田。民廢堰壩八十餘所。

命剗朽壤

唐王維作張公德政碑。惟河上失防。比歲多決。近縣疲於奔

役他山苦於度材。公命刮松壤填巨石。民受其利。

胡盧河

胡盧河本名蔚茹河源出平涼府鎮原縣西南顏沙山下流入涇河

臘脂川

川在平涼府華縣西北一百里東流入涇河

山堂肆考地理第二十二卷

○湖

湖都也。流瀆四面所限都也。

具區

太湖在蘇州府城南五十里禹貢謂之震澤周公爾雅謂之具區。史記國語謂之五湖。其地跨蘇常嘉湖四府界。一名笠澤。一名洞庭。張勃吳錄五湖者太湖之別名。以其周行五百餘里故名五湖。或又以太湖射陽湖上湖洮湖滬湖為五湖。然按國語吳越戰於五湖。直在笠澤一湖中耳。則知或說非也。十道記太湖發源湖州長興縣界入常州

滬音黑

晉陵界。又入無錫界。晉陵之東入蘇州吳縣界。廣三萬六

千頃下有地道。蒼通龍威丈人之所居。

匯音位

匯澤

荊州記宮亭湖即彭蠡澤。謂之彭蠡湖。一名匯澤。一名鄱陽。一名揚瀾。

揚浸

周禮揚州其浸曰五湖。

荆數

劉澄之荊州記華容縣東高有雲黃澤。一名巴丘湖。荆之數也。

分風

盛弘之荊州記宮亭湖廟神甚靈。塗旅經過無不祈禱。能

使湖中分風而帆。宋秦觀宿湖邊。惜竹軒。夢神女贈詩云。不知水宿分風浦。何似秋眠惜竹軒。聞道文章妙天下。虎山對面可無言。

起雨

編音偏南康仁空山下有平湖。湖中編底浮出。每動搖便起風雨。

軒轅鑿

軒轅遊蜀見水多決之下流。江湖皆溢。乃鑿湖注水。今洞庭其一也。

始皇憩

錢塘記去邑十里有詔息湖。又老相傳始皇巡幸經此。暫息。因以名湖。

即官

唐李白即官湖序。故人尚書即張謂。出使夏口。沔州牧杜公。漢陽宰王公。觴于江城之南湖。方夜水月如練。清光可掇。張公殊有勝槩。四望超然。乃顧白曰。此湖古來賢豪遊者非一。而枉踐佳景。寂寞無聞。夫子可為我標之。嘉名以傳不朽。白因舉酒酹水。號曰即官湖。亦猶鄭圃之有僕射陂也。

太傅

常熟縣有太傅湖。太傅即謝安也。

龍目

劉植京口記。秦始皇東觀龍目湖。親見形勢曰。此有天子

氣使赭衣之徒鑿湖中長岡使斷。因改名丹徒。

馬骨

滄音產 荆州有大滄馬骨等湖。夏水來則渺漭若海。及冬水涸則

平林曠澤。四眺煙日。

鷺飛

揚州記新城縣東有一山。山上有湖。湖中有一白鷺。時或飛來。不可常見。

魚下

鄭緝之水嘉記。懷化縣有蔣公湖。父老相傳云。先代有祭祀祈請者。湖輒下大魚與之。

五渚

戰國策秦與荆戰大破之取洞庭五渚

三山

劉澄之豫州記城父縣有巢湖周圍五里湖中有三山湖南有四鼎

銅船

劉欣期交州記交州有一湖百姓樵捕者見銅船出水上又有水牛在湖中

石函

吳志孫皓時吳郡臨平湖邊得石函中有小石青白色上刻作皇帝字因改元為天璽大赦

淪雞

酉陽雜俎句容縣吳瀆塘有半湯湖湖水半冷半熱可以淪雞魚誤入輒死

飲馬

五代史唐莊宗滅梁馬殷遣子希範脩貢京師莊宗問洞庭湖廣狹希範對曰車駕南臨纔堪飲馬耳上嘉之

黃蓬

沔陽州南黃蓬山下有黃蓬湖納茅埠口許家池諸水及連大舍白螺上洪等湖趨復車達新灘入江

青草

荆陵記巴陵有青草湖周圍數百里日月出沒其中以湖南有青草山故名一名巴丘湖北連洞庭南接瀟湘東納

汨羅之水。每夏秋水泛。與洞庭為一。水涸。則此湖先乾。青
草生焉。杜甫詩。洞庭猶自在。青草續為名。又云。鮫室圍青
草。龍堆擁白沙。

范蠡開瀆

長洲縣北境有蠡湖。一名漕湖。范蠡伐吳。開蠡瀆以通此
湖。故名。又句踐滅吳。范蠡乘扁舟遊五湖。終不返。

張闓立塘

丹徒縣東南有新豐湖。晉大興初。晉陵內史張闓。以所部
四縣。遇天旱失田。乃立曲阿新豐塘。灌田八百餘頃。因名
新豐湖。

乘鯉

八閩通志。僊游縣東興泰田。有九鯉湖。漢何氏兄弟九人
嘗止於南山。而煉丹於湖側。及丹成。各乘一鯉仙去。故名
湖曰九鯉。山曰九仙。其仙甚靈。閩人祈夢。無不神驗。

射蛟

徽州府西南有黃墩湖。昔有陳靈洗者。夜夢人告曰。吾數
為呂湖蛟所困。明日幸見助。靈洗曰。何以為識。曰。白練者
我也。及旦往視之。見二牛相觸。有白者困。靈洗射黑牛。必
視之。乃蛟也。按靈洗。休寧人。侯景亂。保歙。黥以拒景。梁武
帝授以本郡。呂湖即黃墩湖。

山川如畫

建業有玄武湖。一名後湖。一名北湖。一名蔣陵湖。宋元嘉

中有黑龍見改今名。立三神山于湖祀之。南唐近事。湖周圍數十里。幕府雞籠二山環其西南。蔣山諸峰列其左。山川掩映如畫。六朝舊跡多出其間。一日諸老坐朝堂語。馮謐舉唐賜賀知章鏡湖事曰。非敢望此。若得後湖。一暢平生也。徐鉉曰。主上尊賢下士。常若不及。豈惜一湖所乏者。知章耳。馮大慙。

燕雀助封

金陵城東有燕雀湖。相傳今走馬橋東水平湖是也。或曰白蕩湖即其地。窮神祕苑。梁昭明太子有一琉璃盃。紫玉盃。既薨置梓宮。後更葬。為圜人携入大航。有燕雀數萬擊之。武帝聞而異焉。以賜大孫。封墳之際。復有燕雀數萬。啣

土助封墳。側有湖。後人因名燕雀湖。

百石

沔陽州西有百石湖。中為長隄。為驛道。亘十餘里。舊植柳人馬往來其上。亦一景也。

三城

三城湖在江寧縣西南。湖中舊有三少城。故名。沔陽州西有三陽湖。東曰朝陽。南曰南陽。北曰水陽。

長蕩

金壇縣東南有長蕩湖。一名洮湖。

短汀

短汀湖在沔陽州東。受張家壩港。接魯陽潭諸水。經麻汀

入白湖。

芍陂

劉澄之豫州記陳縣北有芍陂湖魏將王陵與吳張休交戰處。

高臺

高臺湖在沔陽州景陵縣東達回河口入漢。

塔影

塔影湖在泗州西北日照龜山寺塔影落於湖故名。

倉基

倉基湖在桃源縣治南東流達河入淮。

千里

千里湖在溧陽東南陸機云千里黃蘗末下鹽政指此湖也。

五部

五部湖在無錫縣東北東西二十里南北十里源濁流清

二派分流

高淳縣西南有丹陽湖中流與當塗縣分界東連石臼固城二湖其源有三一出徽州黟縣為舒泉一出廣德州白石山為桐水一出溧水縣東廬山為吳漕水三源匯合其流分為二派一西出蕪湖一北出當塗姑孰溪入江。

三縣分界

射陽湖在淮安山陽縣東南漢廣陵王胥有罪其相勝之

山陽海州寶
奏奪王射陂。即此濶三千丈許。周圍二百里。山陽海州寶
應三縣分湖為界。

雉城

崑山縣西北有雉城湖。

馬鞍

鹽城縣北有馬鞍湖。入侍其汊。達射陽湖。

日月

進賢縣有日月湖。水涸則分而為二。漲則合而為一。中有
石人灘。古諺曰。日月湖明。良將出。石人灘合。狀元生。

風波

沔陽州景陵縣東北有風波湖。

知章詔賜

唐賀知章。字季真。越州人。為秘書監。開元中遷禮部侍郎。
兼集賢學士。晚年號四明狂客。天寶初請為道士還鄉里。
就求周宮湖數頃為放生池。詔賜鏡湖剡溪一曲。鏡湖在
今紹興府城西南。李白詩。鑑湖三百里。菡萏發荷花。五月
西施採。人看溢若耶。宋陸務觀有思故山鏡湖詩。

莘老家居

高郵城西有甓社湖。宋崔伯易有賦。其叙云。孫莘老家於
湖陰。夜讀書。覺窻明如晝。循湖求之。見一大珠。其光屬天。
是年莘老登科。黃庭堅詩。甓社湖中有明月。淮南草木借
光輝。

養武士

太子湖一名西池。在金陵城北。吳宣明太子所創。晉明帝為太子時脩西池。多養武士。

溺宮人

落星湖在彭蠡湖西北。湖中有小山。相傳星墜水所化。故湖名落星。陳王僧辯破侯景於落星灣。及宋孟太后過落星湖。宮人舟覆溺死者十數。惟太后舟無虞。皆此處也。

白馬

白馬湖在新安。一在寶應。蜀有白羊湖。沔陽州有白鷺洲。金壇有銅馬湖。

白鹿

白鹿湖在邳州治南。由小河及泗。

縣淪

趙曄吳越春秋海鹽縣淪為招湖。徙居武康鄉。故越地。

城陷

青瑣高議。今巢湖乃古巢縣。一日江漲。港有巨魚。人取以貨市。合縣食之。有一老姥獨不食。遇老叟曰。此吾子也。汝獨不食。吾厚報汝。若東門石龜目赤。城當陷。姥日往觀。有稚子訝之。姥以實告。稚子欺之。以朱傅龜目。姥見急出城。有青衣童子曰。吾龍之子也。乃引姥登山而免。

龍升

秦州記。武都郡前有湖。晉義熙初。有白龍從湖中升天。

牛見

蘇東坡連守潁杭二州皆有西湖其初得潁也有潁人在
 坐云內翰只消遊湖中便可了郡事及守杭秦觀有詩云
 十里薰風菡萏初我公所至有西湖却將公事湖中了見
 說官閑事也無按杭州西湖故明聖湖也周圍三十里三
 面環山谿谷縷注下有淵泉百道潴而為湖漢時金牛見
 湖中人言明聖之瑞遂稱明聖湖以其介於錢塘也又稱
 錢塘湖以其委輸於下湖也又稱上湖以其負郭而西也
 又稱西湖東坡後謫惠州亦有西湖其詩云水光潑灩晴
 方好山色空濛雨亦奇欲把西湖比西子淡粧濃抹兩相
 宜林和靖詩混元神巧本無形匠出西湖作畫屏春水淨

於僧眼碧曉山濃似佛頭青樂爐粉堵搖魚影蘭柱煙籠
 閣鷺翎往往鳴榔與橫笛斜風細雨不堪聽

○水

淮南子曰積陰之氣為水水神曰天吳亦曰馮夷
 波神曰陽侯濤神曰靈胥

流濕

易乾卦水流濕火就燥

樂饑

詩陳風必之洋洋可以樂饑注云可以玩樂而忘饑也

懷山襄陵

夏書湯湯洪水方割蕩蕩懷山襄陵注云懷包其四面也

襄駕出其上也

浮天載地

玄中記天下之多者水焉。浮天載地。高下無不至。萬物無不潤。抱朴子記黃帝曰。天在地外。水在天外。浮天而載地者。水也。

上善

老子曰。上善若水。水善利萬物而不爭。處衆人之所惡。故幾於道。

乘哀

淮南子曰。水之性。乘勢而行。乘哀而流。注云。哀。下也。

智者樂

論語。智者樂水。

君子觀

荀子曰。孔子觀於東流之水。子貢曰。君子所以見大水必觀焉。何也。孔子曰。夫水至柔而無為也。似德。其流也。卑下。倨拘必循其理。似義。其洗洗乎不渥盡。似道。其赴百仞之谷。不懼。似勇。主量必平。似法。盈而不求。概似正。淖約微達。似察。以出以入。以就鮮潔。似善。其萬折也必東。似志。

習坎

易坎卦。水洊至。習坎。君子以常德行。習教事。

盈科

孟子曰。流水之為物也。不盈科不行。

觀呂梁

莊子曰。孔子觀呂梁。懸水三十仞。流沫四十里。鼃鼃魚鱉不能游。見一丈夫游之。與沒俱入。與汨俱出。

遊濠梁

莊子與惠子遊於濠梁。莊子曰。儵魚出遊從容。是魚樂也。惠子曰。子非魚。安知魚之樂也。莊子曰。子非我。安知我不知魚之樂也。

民狎

左昭二十一年。子產曰。火猛烈。民望而畏之。故鮮死焉。水懦弱。民狎而玩之。則多歿焉。

人輕

淮南子曰。土地各以類生。人。清水音小。濁水音大。湍水人輕。遲水人重。

彰五色

禮學記。水無當於五色。五色弗得不彰。

生萬物

淮南子曰。天下之物。莫柔弱於水。上天則為雨露。下地則為潤澤。萬物不得不生。百事不得不成。

吳猛畫扇

吳猛。濮陽人。仕吳為西亭令。因家分寧。性至孝。遇至人丁義。授以神方。嘗渡江。值風濤。猛以白羽扇畫水而渡。

曇隱供厨

滿決事
二音

厖音忙

金陵鍾山之東靈谷寺有八功德水昔梁胡僧曇隱寓錫於此乏水時有厖眉叟謂曰予山龍也措之無難俄而一沼水沸出宋曾拯詩數斛供厨替八珍穿松漱石瑩心神中涵百衲煙霞色不染齊梁歌舞塵按八功德水一清二冷三香四柔五甘六淨七不噎八除病也又關內八水一涇二渭三灞四滻五澇六滴七灋八瀉也

宗海

詩小雅沔彼流水朝宗於海

成淵

荀子曰積水成淵蛟龍生焉

高前帝漿

山海經高前之山其上有水甚寒而清帝臺之漿也

亳州聖水

唐李德裕傳亳州浮屠詭言有水可愈疾號曰聖水

汀水獨南

天下水皆東惟汀水獨南南丁位也以水合丁為汀故福建有汀州府蓋取此義又林氏曰眾水皆東而弱水獨西黑水獨南因其性與勢之自然也

閩水皆西

漢張騫言于閩之西水皆西流注西海其東水皆東流注鹽澤元楊廉夫曰佛居大地之陰西域也日必後照地皆西傾水皆西流故言性以空孔子居大地之陽日必先照

地皆東傾。水皆東流。故言性以實。亦地氣有以使之然歟。
宜禾宜黍

滾音襍淮南子曰。洛水宜禾。渭水宜黍。夔州府東有東瀼水。號東屯。宜瓜疇芋區。西瀼水號西屯。所宜亦同。

出鱖出鮒

陝西漢中府沔縣有度水。水有二源。曰清檢濁檢。清水出鱖魚。濁水出鮒魚。常以二八月取之。

如象如馬

寰宇記灑潁堆。冬來出水二十餘丈。夏水漲半沒。在夔州巫峽口。方輿勝覽在夔州西二百步瞿塘峽口。蜀江之心。土人諺云。灑潁大如象。瞿塘不可上。灑潁大如馬。瞿塘不可下。峽人以為水候。

如絲如霧

長沙府醴陵縣學前。有淥水湧出自地脈。如絲如霧。用白器入水。酌而澄之。其色深綠。可以書字。每出則其年登科者必多。

李冰防患

秦李冰為蜀守。以岷山通江為四瀆之首。水或為患。乃作三石人以止江水。作三石牛以壓水怪。分為三十六江。以資灌溉。由是人無水旱之患。號為陸海。蜀人德之。宋子京文翁祠碑。蜀廟食千五百年而不絕者。秦李冰漢文翁而已。

王商止訛

漢書建始中京師無故相驚言大水至成帝召公卿議大將軍王鳳以為太后與上及後宮可御舟船令吏民上長安城以避水左將軍王商獨曰自古無道之國水猶不冒必訛言也不宜重驚百姓上乃止有頃長安定問之果如商言。

洗耳

謚音密皇甫謚高士傳許由字武仲堯聞其賢欲致天下而讓焉乃退而適於中嶽潁水之濱箕山之下堯又召為九州長由不欲聞洗耳於潁濱時有巢父牽犢欲飲之見由洗耳

問其故對曰堯欲召我我惡其聲是故洗耳巢父曰子若處高岍深谷人道不通誰能見子子故浮游欲聞求其名譽汚吾犢口牽犢上流飲之。

染足

筆談潭水界有水號烏脚溪洗者足皆如墨數十里間水皆不可飲飲則病瘡行人皆載水自隨梅龍圖儀官州縣時汭潔至漳州素多病預憂瘡癘為害至烏脚溪使數人肩荷之以物蒙身恐為毒水所沾驚惕過甚睢盱矍鑠忽墮水中至於沒頂乃出之舉體黑如崑崙自謂必死然自此宿病盡除頓覺康健。

灌城

山堂集卷二十一
戰國策智氏最強滅范中行氏又帥韓魏圍趙襄子於晉陽決晉水灌其城不浸者三板耳

没湖

淮南子曰歷陽有老嫗嘗行仁義有過之者謂曰此當没為湖視東門有血便走上山勿反顧也自此嫗數往視門吏問之嫗對如其言吏殺雞以血塗門明日嫗早往視門有血便走上山歷陽遂没為湖

止淫

淮南子曰往古之時四極廢九州裂水浩瀚而不息於是女媧氏積蘆灰以止淫水

流恨

杜詩第五橋東流恨水皇陂岸北結愁亭注云第五橋皇陂皆在長安城外乃會別之所也

出白

僖音幸
呂氏春秋有佚氏女子採桑得嬰兒於空桑之中獻之其君命庖人養之察其所以然曰其母在伊水上嘗夢神告之曰白水出而東走母明日視白果出水告其隣東走十里而故邑盡為水身因化為空桑故命其子曰伊尹

覆籠

續述征記梁鄒城西有籠水相傳齊孝婦誠感神明涌泉發於室內潛以績籠覆之由是無恙汲之勞家人疑之時其出而搜其室試發此籠而泉遂涌流漂居宇故名籠水

轉宮

東漢宦官張讓趙忠說靈帝鑄天祿蝦蟆吐水於平門外橋東轉水入宮。又作翻車渴鳥。施於橋南。用灑南北郊路。以為可省百姓灑道之費。按天祿即蝦蟆也。伯樂之子按圖索驥。以蝦蟆為馬。即此翻車轉動之器。激水而上者渴鳥。受水之器。如鳥之渴飲。故名渴鳥。

入殿

唐高宗永徽五年。上在萬年宮。夜大雨。水衝入玄武門衛。士皆走。郎將薛仁賢曰。天子有急。敢愛死乎。登門枕大呼。以警宮內。上遽出乘高。俄而大水入寢殿。漂沒三千餘人。

濯錦

見江

漬粉

荊州記。筑陽縣西有粉水。源出房陵縣。取其水為粉。鮮潔異於他水。雍州記。蕭何夫人嘗以此水漬粉。

臭過椒蘭

列子曰。禹治水土。迷之一國。無風雨霧露。不生鳥獸。有山若壺頂。有口若圓環。名曰滋穴。有水湧出。名曰神漢。臭過椒蘭。味過醪醴。

利穿金石

淮南子曰。水之為物。擊之無創。射之不傷。斬之不斷。焚之不然。利穿金石。功濟天下。

夫餘沉羽

廣志。弱水在夫餘北。其水不勝毛羽。柳子厚云。西海之山。有水焉。散渙無力。不能負芥。投之則委靡。墊沒及底而後止。

河東化血

崔豹古今注。漢安帝延平中。河東水化為血。元初中。潁川襄城水化為血不流。

方玉圓珠

尸子曰。凡水方折者有玉。圓折者有珠。清水有黃金。龍淵有玉英。

冬凝春泮

淮南子曰。夫水向冬則凝而為冰。向春則泮而為水。

易牙嘗

通仍免
二青

列子曰。白公問於孔子曰。人可與微言乎。孔子不應。白公曰。若以石投水何如。孔子曰。淄澠之水。易牙嘗而知之。白公曰。人故不可與微言乎。孔子曰。何為不可。唯知言之謂者乎。知言之謂者。不以言言也。注云。白公欲為亂。而不敢顯言。求決於孔子。孔子知其意。故云云。按。淄澠。二水名。淄水在青州府城西。源出泰安州萊蕪縣原山。流達臨淄。至壽光縣。入濟水。禹貢維淄其道。即此澠水。源出青州府臨淄縣西申門之申池。即左傳所謂齊懿公遊於申池是也。申池水。

山堂雜考
一支西流為系水。一支北流為滙水。左傳所謂有酒如滙。魯仲連謂田單騁乎淄澠之間。淮南子謂易牙嘗淄澠而別之者。即此易牙。雍人名巫牙。其字也。

德裕辭

中朝故事。唐李德裕作相。有奉使京口者。李令還日。金山下楊子江南冷水。取一壺來。其人舉棹日。醉而忘之。泛舟回至石城下。方憶其言。乃汲一瓶歸京獻之。李公飲後。嘆訝曰。江表水味。有異於往歲矣。此水頗似建業石頭城下水。其人謝過。不敢隱。

龍吟

肇慶府開建縣東金縷村。唐狀元莫宣卿讀書堂在焉。水

流清響。父老呼為龍吟水。

雞浴

廉州府石康縣東。有金雞水。相傳昔有金雞浴於水傍。故名。

請以身填

漢書。王尊字子贛。為東郡太守。河水泛溢。浸瓠子金隄。尊投白馬祭水。併効水神河伯。請以身填金隄。因止宿廬居隄上。及水盛。隄壞。吏民奔走。尊立不動。而水波稍退。

能以氣禁

抱朴子曰。左慈能以氣禁水。水為之逆流。一二丈。禁水置庭中。露之。即大寒不冰。

山堂
流桑

安慶府宿松縣南九江口。有桑落洲。昔江水泛漲。流一桑樹於此洲。因名。晉劉毅與盧循戰於桑落洲。即此。又按洲在大江中。江北則安慶府宿松縣。相距百餘里。江南則江州湖口縣也。

承瓠

博物志。庭州灞水。以金銀鐵器承之。皆漏。唯承以瓠葉則不漏。

文公儲船

東漢書。任文公為治中。時天旱。白刺史曰。五月一日當有大水。宜預儲船。刺史不聽。百姓有信其言。預為防者。至其

月日中雲起。須臾雨至。晡時水湧起十餘丈。突壞廬舍。所害至數千人。

龍澄獲印

大瀼水。在夔州府東。自達縣萬頃池發源。宋洪邁夷堅志。宣和中。龍澄嘗於瀼水中獲玉印。印文非世間篆籀。澄見天神立於傍。曰。此印上帝所寶。今守護不謹。遂落於此。神俄不見。澄懼。乃奉印投原處。

流出名山

博物志。八流皆出名山。渭出鳥鼠。漢出蟠冢。洛出熊耳。涇出少室。汝出燕泉。泗出陪尾。沔出月台。沃出泰山。

源出桃林

永嘉郡記桃枝水源出東陽長山縣桃林之下。

水有四德

尺子曰水有四德沐浴群生通流萬物仁也揚清激濁蕩去滓穢義也柔而難犯弱而難勝勇也導江疏河惡盈流謙智也

水有七種

唐張又新為水說七種其一惠山泉二虎丘井四松江按又新元和中狀元及第

秘省極佳

茶錄唐秘省中有水極佳名秘水

下箬極美

長興縣有箬溪生箬箭箬南岸曰上箬北岸曰下箬上人取下箬水釀酒味極醇美白樂天詩芳將下箬忘憂物寄與江城愛酒翁

士龍顧影

晉陸士龍常着練經上船於水中顧影大笑落水人亟救之免溺

趙軌比清

隋趙軌為齊州別駕文帝徵入朝父老送者曰別駕在官水火不與百姓交是以不敢以杯酒相送公清如水請酌一杯水奉餞軌受飲之

子瞻符取

山堂雜考 宮集二十二卷 二十一
東坡曰。余愛玉女河水。破竹為梁。使寺僧藏其一。以為往
來之信。謂之調水符。其詩云。欺謾人成俗。關市有棄繻。誰
知南山下。取水亦置符。古人辯滿滬。皎若鶴與鳧。吾今既
謝此。但視符有無。常思汲水人。智出符之餘。多防竟無及。
棄置為長吁。

鴻漸杓揚

張又新水錄。唐李季卿刺湖州。至維揚。遇陸鴻漸。謂曰。陸
君善茶。天下所聞。揚子南冷水。又奇絕。今者二妙。千載一
遇。何可輕失。乃命軍士謹信者。挈瓶操舟。深詣南冷。陸潔
器以待。俄水至。陸以杓揚水曰。江則江矣。非南冷者。似臨
岸水。使者稱不敢給。既而傾諸盆。至半遽止。又以杓揚之。

曰。此南冷者矣。使者蹶然駭曰。某自南冷齋水至岸。舟盪
去其半。懼其少。取岸水增之。處士之鑒。神鑿也。李大驚。

時平乃清

宋博士吳淑水賦。新豐則時平乃清。臨淄則世亂而竭。按
唐書。新豐鸚鵡谷水清。世傳。谷水清。天下平。述征記。臨淄
牛山下有女水。齊人諺。世治則女水清。世亂則女水竭。故
慕容超時。乾涸彌載。及宋武北征。乃激洪流。

風起輒動

吳孫權至淦城。自標井地。令人掘之。得故井。銘曰。漢潁陽
侯灌嬰所開。井甚深。遇江中風浪起。此井水輒動。

黑水

黑水。源出陝西行都司肅州衛城北十五里。又地志云。黑水出張掖縣雞山。

白水

源出肅州衛城西南二十里。下流與紅水黑水合。

紅水

源出肅州衛城東南山谷中。下流與黑白水合。

藍水

杜詩。藍水遠從千澗落。

五渡水

韶州圖經。曲江縣脩仁水北有三楓亭。五渡水。齊范雲為始興守。至脩仁水。酌而飲之。賦詩云。三楓何習習。五渡何

悠悠。又陶秀實清異錄。武夷山有石如立壁。巔隱一泉。分七派。山僧顛堅名為七絃水。

柳音卯

三柳水

三柳水。在松江府城西南。即華亭谷水也。晉陸機對武帝云。三柳冬溫夏涼。而圖經又以柳有上中下之名。舊縣圖以近山涇圓者曰圓柳。近柳橋濶者曰大柳。自柳而上。縈繞百餘里者曰長柳。

○泉

爾雅。水本曰源。源曰泉。正道上出曰檻泉。從上溜下曰下泉。湧出曰瀆泉。側出曰汎泉。所出同。所歸異。曰肥泉。異出同流曰漢泉。

刺山

漢書。李廣利為貳師將軍。伐大宛還。士眾渴甚。廣利拔佩刀刺山。飛泉湧出。

拜井

東漢耿恭。字伯宗。為戊巳校尉。踈勒城傍有澗水。匈奴來攻。掘澗上流絕之。士卒不得飲。恭於城中穿井十五丈。無水。乃嘆曰。昔貳師將軍拔刀刺山而泉湧。乃整衣向井再拜。為士卒禱。有頃。飛泉奔出。眾皆稱萬歲。因揚水示虜。虜以為神。遂引去。

盤龍

酉陽雜俎。元街縣有泉眼中。水旋如盤龍。或試撓破之。尋

手成龍狀。驢馬飲之。皆驚走。

走蛇

六帖。楊師晟師次方渠。水乏。有青蛇下走。視其跡。水從而流。使築防環之。遂為停淵。軍士仰足。命泉曰應聖。

石門貪泉

晉吳隱之。字處默。為廣州刺史。石門有貪泉。俗云飲此水者。廉士皆貪。隱之酌而飲之。為詩曰。古人云此水。一飲懷千金。試使夷齊飲。終當不易心。又唐馮立為廣州都督。見貪泉曰。此豈隱之所酌耶。吾雖日飲此水。庸易吾性哉。遂極飲而去。

梁州廉泉

梓潼人范栢年。初見宋明帝。言及廣州貪泉。帝因問卿鄉土復有此泉否。答曰。梁益間惟有文川武鄉。廉泉讓水。不聞有貪泉。又問卿宅在何處。曰。臣所居在廉讓之間。帝嗟其善對。即拜梁州刺史。

鬱林瑞泉

鬱林城南南流江之濱。有紫泉。宋嘉定中。改名瑞泉。元至治初。御史張思敬。鑄瑞泉二字。勒碑於上。泉遂竭。居人去其碑。泉復如舊。

新喻醴泉

臨江府新喻縣西有醴泉。宋黃庭堅過此飲之而甘。曰。惜張又新。陸鴻漸不及知也。因題其旁柱曰。醴泉。

蒼梧漫泉

梧州府蒼梧縣東門外有冰井。南對火山。唐大曆三年。經略使元結飲之甘冽。作漫泉銘。有火山無火。冰井無冰之句。宋紹興中。知州任詔。砌為雙井。至今一清一濁。皆深可六七尺。

日南淫泉

拾遺錄。日南有泉曰淫泉。男女飲之則淫。又妙德先生嘗謂人曰。昔有一國有狂泉。飲之無不狂者。國君穿井自飲。獨得無恙。國人反謂國君不狂為狂。聚謀共執國君。灸艾針藥。盡且國君不任其苦。酌泉飲之。即狂矣。按妙德先生傳。袁粲作。

取泉置遞

芝田錄唐李德裕任中書。愛飲常州惠山寺泉。自毗至京。置遞鋪號水遞。有一僧謁見曰。所謂相公者。為相公通常州水脉。京師一眼井。與惠山寺泉脉相通。德裕大笑其荒。唐僧曰。相公欲飲惠山泉。當在昊天觀。常住庫後。取德裕乃以惠山一甕。昊天一甕。雜以他水八瓶。暗記其處。遣僧辯析。僧因啜葷。止取惠山寺與昊天觀二甕。德裕大奇之。即停其水遞。由是人不敢勞。浮議遂息。按惠山。或曰慧山。

酌泉題楹

衡州府北甘泉寺。有萊公泉。宋寇萊公南遷日。題於東楹曰。平仲酌泉經此。回望北闕。黯然而去。未幾。丁謂之過此。

題於西楹曰。謂之酌泉。禮佛而去。范諷留詩於寺曰。平仲酌泉回北望。謂之禮佛向南行。烟嵐翠鎖門前路。轉使高僧厭寵榮。淳熙中。南軒張拭榜此泉曰。萊公泉。又青州府西門外有范公泉。宋范仲淹知青州。有惠政。泮溪側出醴泉。人以范公目之。今醫家用以丸藥。名青州白丸子。

一冷一温

唐子西游湯泉記。惠州過水十餘里。得白水山。行一里許。得佛跡院。院中湧二泉。一冷一温。二泉相去步武間。而東泉熱甚。殆不可觸指。以西泉解之。然後調適可浴。

半冷半温

郴州永興縣東南。有泉半冷半温。共出一壑。又郴州永興縣南。

郴州永興縣

東南

有泉

半冷

半温

共出

一壑

又

郴州永興縣南

有圓泉。半暖半冷。冷處極清。暖處極濁。

卓錫

唐子西卓錫泉記。吾遊羅浮至寶積寺。飲泉而甘。寺僧曰。此卓錫泉也。昔梁景泰禪師居此山。其徒以無水難之。師笑而不答。之而庵成。師卓錫于地。泉湧數尺。自是得井。山中賴之。

投金

杜陽雜編滄洲又視山下。出澄綠泉。亦謂之流綠渠。投之。金石終不沉沒。

濺珠

四川龍州宣撫司東。泉瀉石崖。噴激如珠。名濺珠泉。

漿玉

四川黎州安撫司南。有漿玉泉。俗傳唐三藏至此。持梵音而泉湧。名梵音水。宋政和間。太守宇文侯過而飲之。曰佳泉也。易名漿玉。

瀑布

瀑布泉。是處有之。李白廬山瀑布詩。日照香爐生紫烟。遙看瀑布挂長川。飛流直下三千尺。疑是銀河落九天。

濯纓

濯纓泉。在成都府什邡縣北。宋程珣有詩。一在荊州府歸州東南。內有神蛇。人穢其水。其蛇輒見。

白道

山堂肆考 卷之二十一 二百六十三

大同府有白道泉即飲馬長城處。

紅泥

臨洮府蘭縣東有紅泥泉出臯蘭山下。

平疴

平疴泉在和州北其水甚温梁昭明太子浴於此蘇軾秦觀劉貢父皆有詩。

知時

道州望仙門內有知時泉鑿石象龍以道其流夏至則盈秋分則涸宋紹興間郡守辛公創亭而扁之。

鶴鳴

鶴鳴泉在潛山縣西真源宮四時不竭相傳白鶴道人嘗

止此。

虎跑

虎跑泉一在杭之南山大慈寺距城十里唐性空大禪師來遊此山以無水將他之忽神人告曰自師來我等微惠甚大奈何棄去南岳童子當遣二虎來移師無憂也翌日果見二虎跑山出泉其冽勝常大禪師因留建立伽藍蘇東坡詩有虎移泉赴行脚蓋紀實云。

金沙

金沙泉在湖州府顧渚山唐時進紫筍茶太守具牲幣祭之泉始發源供御者畢水即微減供堂畢水即減半太守造茶畢即涸矣元正元間中書省官致祭一夕水溢可溉

田千頃賜名瑞應泉。

玉液

玉液泉在隆慶府西南元時取造玉液酒故名。又江州有寶盤泉徐陵文泉流寶盤遙憶湓城。

舞水

南陽府舞陽縣東南三河南岸有舞水泉泉踴躍若舞故名。

滑石

桂林府靈川縣北有龍隱泉舊名滑石泉宋鄒浩詩馬頭今日度嚴關十九年前去復還惟有流泉聲似舊凭欄重聽響潺潺。

一人

一人泉在金陵鍾山高峰絕頂僅容一勺挹之不竭王安石詩塞淺一人泉。

七賢

七賢泉在衛輝府輝縣山陽西社七賢竹林七賢王戎向秀等也。

喜客

喜客泉在茅山客至則泉湧出。

惠民

惠民泉在漳州府城北門外。

君子

山堂詩考 卷二十一 卷二十九
君子泉在黃州府治北。宋通判孟震亨有賢德。時稱君子。庭中有泉。蘇東坡因名之黃庭堅詩。雲夢澤邊君子泉。水無名字托人賢。

老翁

老翁泉在眉州。墓頤山東。其山高大。分為兩股。泉出兩股之間。北附右股之下。畜而為井。日可飲百家。宋蘇洵嘉祐集云。十數年前。月夜有一老翁。蒼顏白髮。偃息泉上。就之則隱而入於泉。弗見。洵甃以石。建亭覆之。因作銘。

十九

十九泉在鞏昌府成縣。杜詩近接西面。懷十九泉。

六一

宋歐文忠公將老。自號六一居士。杭州西湖僧惠勤能詩。嘗受知於公。後公薨。勤亦逝。勤弟子畫六一公像。與勤像而祀之。有泉出講堂下。蘇東坡守杭。遂本勤意而名之曰六一泉。因為之銘。

雌雄

雌雄泉在夔州府梁山縣多喜山下。有雌雄二泉。春夏左盈右竭。秋冬左竭右盈。

男女

梧州府陸川縣有溫泉。在妙峒水旁。自竅中出。泉有二。左曰男泉。右曰女泉。

五眼

五眼泉在臨洮府蘭縣臯蘭山下。泉有五眼。故名。相傳霍去病擊匈奴至此。以鞭卓地而泉出。成都府茂州治有五福泉。吳江縣南有六品泉。唐陸羽品為第四泉。宋張又新品為東南第六泉。

百脉

百脉泉在濟南府章丘縣南。百脉俱發。故名。宋曾鞏云。歷下諸泉皆伏陰伏流所發。西則趵突為魁。東則百脉為冠。

杜康釀酒

杜康泉在濟南府舜祠西廡下。世傳康於此釀酒。或以揚子江心水及惠山泉秤之。一升各重二十四銖。是泉重二十三銖。

陸羽試茶

湖廣沔陽州景陵縣西北有文學泉。唐陸羽得此泉以試茶故名。

妬女

述異記妬女泉在并州。凡婦女靚粧彩服至其地者。必興雷雨。

僕夫

僕夫泉在杭州孤山。僧智圓有僕夫藝竹得泉故名。又元時僧芳洲鑿地得此泉。遂名後僕夫泉。

細水

細水泉在大同府孟縣東。其泉細微而縈迴不絕。

小山

遼東都司義州衛西北有小山泉按 明朝遣將征虜聞
虜王脫古思脫木兒在捕魚兒海遂由大寧慶州兼道而
進軍士無水渴甚忽聞其地有聲如駁使人視之則泉水
奔流士馬就飲衆咸歡呼曰此朝廷之福也先是 上嘗
夢殿西北隅有小山流泉直下至御足所履而止至是小
山泉湧適與夢符

菩薩

蘇東坡序寒溪少西數百步則為西山寺有泉色白而甘
號菩薩泉李常侍謂予曰豈昔阿育王所鑄文殊金像所
在乎

羅漢

羅漢泉在瑞州府五峰山上有羅漢像橫臥水際故名

阿對

閩音文 河南閩鄉縣西南有阿對井一名阿對泉按阿對本東漢
楊震家僮嘗引此井泉灌蔬故唐吳融閩鄉卜居詩六載
抽毫侍禁闈。可堪衰病決然歸。五陵年少如相問阿對泉
頭一布衣。

參寥

參寥泉在西湖智果寺事見清明淘井

隆筆

荆州府松滋縣南苦竹寺有竹泉宋至和初有僧浚井得

一筆。後黃庭堅謫黔過此。視筆曰。此吾蝦蟇墓培所墜也。因知此泉與蝦蟇墓培相通。

條鉢

南雄府始興縣連城寺有洗鉢泉。相傳大士雲遊至此。滌鉢。

撫掌

圖經餘杭縣洞霄宮有撫掌泉。相傳錢武肅王至宮。撫掌而泉湧出。

滴乳

四川順慶府西有滴乳泉。昔有道士何志全飲此泉。年八十。面如桃紅。

潜虬

宜興縣顧山有潜虬泉。幽深澄徹。中有異魚。四足能行。率數歲一出。出必有水災。

鳴犢

鳴犢泉在西安府城南鳴犢鎮。相傳因犢跑鳴得泉。故名。馬踐

隋史烏鼠山。俗呼高武隴。其下渭水所出。絕壁千仞。諸羗

馬足所踐。忽飛泉湧出。號玉漿泉。

燕來

彬州城西有燕泉。以燕來時泉生。去時泉涸。故名。宋折彥質居彬。剪茅為亭。名燕泉亭。

靈砂

圖經。黃山東峰下有朱砂湯泉。可以點茶。春時色即微紅。昔人題詩三十六峰高倚天。瑤臺金闕貯神仙。嵩陽居與黃山比。猶少靈砂一道泉。

碧石

碧溪魚隱。東坡所記湯泉。秦川之駱谷。渝州之陳氏山居。秦君之賦。東城及匡廬汝水。尉氏驪山。後謫居惠州。遊白水山。佛跡巖。浴於湯泉。共有其八矣。余之所見。新安之黃山。閩中之劔浦。亦有其二矣。第湯泉多作硫黃氣。浴之則襲人肌膚。惟驪山是碧石泉。竝無此氣。

玉龍

地理志。唐天寶六年。更溫泉湯曰華清宮湯。治井為池。環山列宮室。制度宏麗。安祿山在范陽。以玉魚龍鳧鴈。石梁石蓮花以獻。上悅。命陳於湯中。因幸焉。將解衣而入。魚龍鳧鴈皆奮鱗舉翼。狀若飛動。上因恐却之。

石鱗

河南登封縣嵩山。有白龜泉。泉有石鱗。客問道士楊洞曰。鱗旁行。天性乎。洞微以手指之。即直行。

感應

感應泉。在平樂府城北。宋鄒浩謫居昭州。以江水不可飲。汲於數里外。後所居嶺下。有泉湧出。及將北歸。數日前。泉乃涸。旋有人至門上。厲聲曰。侍郎歸矣。翌日果拜命。歸至

常州卒。楊時挽詩。泉其不出戶。客至豈無神。

安樂

叙州府涪溪側。有泉味甘美。盛夏水冽。冬月則溫。黃庭堅號為安樂泉。謂飲之令人安樂也。

猪龍

眉州城石佛鎮。乃蘇軾別業。有猪龍泉。軾嘗云。聞百年前牝猪伏於此。化為二鯉。蓋猪龍也。世莫有見者。余偶見之。以告妻兄王愿。愿疑余誕。因禱於泉。二鯉復出。疑始釋。

蝦蟆

蝦蟆泉在河南陝州城西門外。水自石眼中流出。內生科斗。禱雨即應。唐韓文公詩。居然鱗介不能容。石眼環環水

一鍾聞道早。天祈得雨。只疑科斗是蛟龍。

穿巖越壑

詩史。唐宣宗微時。以武宗忌之。遯跡為僧。游方外。與黃蘗禪師同觀瀑布泉。禪師一聯云。穿巖越壑不辭勞。倒底方知出處高。宣宗續之曰。溪澗豈能留得住。終歸大海作波濤。

涵雲注玉

宋秦少游湯泉賦。大江之濱。東城之野。有泉出焉。直回峰。負深谷。分埒引源。迤邐相屬。晨夜有聲。涵雲注玉。薄為虎鬚。狀為魚目。鱗介莫潛。遇者斯浴。此何水也哉。野老告余曰。泓泓涓涓。莫虞歲年。不火而燠。其名溫泉。嗚呼。豈非榮

惑蒞於上耶。燭龍隱於中耶。旁通咸池。日御之所經耶。幽精沉魄。陰賞其負耶。丹砂黃硫。金石之氣。酷悍之所激耶。

霹靂

南安府大庾嶺有霹靂泉。相傳宋時大旱。有僧致禱。一夕大雷雨。泉出於竇。故名。

參斗

湖廣均州東有參斗泉。雖千人汲之。此水不減。不汲亦不增。相傳參斗二星下臨。故名。

一脉縈莎

鄭谷石門山泉詩。一脉清冷何所之。縈莎漱蘚入僧池。

萬音落石

王介甫水簾泉詩。淙淙萬音落石巖。皎皎一派當簷前。清風高吹鸞鶴淚。白日下照蛟龍涎。浮雲裝額自能掩。缺少琢鉤相與懸。朱門試問幽人價。翡翠鮫綃不值錢。

湧出玉壺

濟南府西有趵突泉。一名瀑流。出山西王屋山下。元趙孟頫詩。樂水發源天下無。平地湧出白玉壺。谷虛只恐元氣泄。歲旱不愁東海枯。

界破冰綃

金線泉在濟南府西石甃方池。泉亂發其下。東注城濠。澄澈見底。有金線一道。隱起水面。宋曾鞏詩。玉甃常浮顯氣鮮。金線不定路南泉。無風到底塵埃盡。界破冰綃一片天。

明月

明月泉在太原府五臺山中。俗傳以紗帛障目。下視或見月在水中。

白雲

白雲泉在吳縣天平山。白樂天題以絕句。范文公繼此有作泉名遂著。

天齊

齊地記。泉中流出瓦。瓦上有天齊二字。晏子曰。吾聞江深五里。海深十里。此泉與天齊也。

雨湧

袁州府楊岐山有雨湧泉。相傳與海通天。欲雨。泉水先湧。

宋周兌詩。楊岐山下出靈泉。與海相通亘古傳。洶湧以使知

天欲雨。為言陰石不須鞭。

蘆葭

酉陽雜俎。玉門有蘆葭泉。周二丈。深一丈。駝馬千頭飲之不渴。

茯苓

茯苓泉在杭州府靈隱寺後山。古松婆娑。泉極甘冽。

谷簾

谷簾泉在南康府西。其水如簾。布巖而下者。三十餘派。唐陸羽茶經。品其水為天下第一。按此水出康王谷中。

石臼

圖經施州南寨石白溪旁其泉源有七眼。

上善

唐地理志坊州郭中無水東北七里有上善泉開成二年刺史張怡架水入城以紓遠汲四年刺史崔駢復增修之民獲其利為立祠祀之。

潤德

潤德泉在鳳翔府岐山縣西北周公廟傍相傳時平則流亂則竭宋雍熙中賜今名有碑記。

宮集二十二卷終

山堂肆考地理第二十三卷

○潮

抱朴子曰月精生水故月盛則潮大

盈虛繫月

盧肇海潮賦序夫潮之生因乎日也其盈其虛繫乎月也日激水而潮生月離日而潮大此不刊之理也余道安海潮圖序陽燧取火於日陰鑑取水於月各從其類也故月臨卯酉則水漲於東西月臨子午則潮平於南北彼竭此盈往來不絕皆繫於月不繫於日

往來應期

高麗圖經潮汐往來應期不爽為天地之至信古人嘗言

之。在山海經以為海鱗之出入。浮屠書以為神龍之變化。竇叔蒙海嶠志以為水隨月之虧盈。盧肇海潮賦以為日出於海。衝擊而成。王克論衡以為水者地之血脉。隨氣進退。率未之盡。大抵天包水。水承地。而一元之氣。升降於太空之中。地秉水力以自持。且與元氣升降。互為抑揚。而人不覺。亦猶坐於船中。而不知船之自運也。方其氣升而地沉。則海水溢而為潮。及其氣降地浮。則海水縮而為汐。計日十二辰。由子至巳。其氣為陽。而陽之氣。又自有升降。以運乎晝。由午至亥。其氣為陰。而陰之氣。又自有升降。以運乎夜。一晝一夜。合陰陽之氣。凡再升再降。故一日之間。潮汐皆再焉。又曰。當卯酉之月。則陰陽之交也。氣以交而盛。而盛故潮之大。獨異於餘日。

旗遊

臨安志。吳王既賜伍子胥歿。乃取其屍。盛以鴟夷之革。浮之江中。子胥因流揚波。依潮來往。蕩激隄岸。勢不可禦。或有見其乘素車白馬在潮頭者。因為立廟。仲秋既望。潮水極大。杭人以旗鼓遊之。弄潮之戲。蓋始於此。又云。子胥歿。戒其子曰。投吾於江中。吾當朝暮乘潮。以觀吳之敗。自是海門山潮頭洶湧。高數百尺。越錢塘漁浦。方漸低小。

弩射

梁開平四年。武肅王錢鏐始築捍海塘。在候潮通江門外。

潮勢衝激版築不就。因命强弩數百以射潮頭。又數禱於胥山祠。既而潮水避錢塘。衝擊西陵。遂成堤岸。蘇東坡詩。江神河伯兩醯鷄。海若東來氣吐霓。安得夫差水犀手。三千强弩射潮低。仇近仁詩。一痕初見海門生。頃刻長驅作怒聲。萬馬突圍天鼓碎。六鰲翻背雪山傾。遠朝魏闕心猶在。直上嚴灘勢始平。寄語吾兒休踏浪。天吳罔象正縱橫。

半東半西

嶺外錄異。欽廉之潮。朔望則大。謂之先水。日止一潮。謂之小水。瓊海之潮。半月東流。半月西流。不繫月之盛衰。

再大再小

抱朴子曰。潮者言朝來也。汐者言夕至也。一月之間。天再

東再西。故潮水再大再小也。又夏時日居南宿。陰消陽盛。而天高一萬五千里。故夏潮大也。冬時日居北宿。陰盛陽消。而天卑一萬五千里。故冬潮小也。春時日居東宿。天高一萬五千里。故春潮漸起也。秋時日居西宿。而天卑一萬五千里。故秋潮漸減也。

二日不至

宋德祐丙子。元師入平安。呂文煥時駐軍江磧。宋方幸元師。貼危而海潮三日不至。師迄無虞。於是元獲占地利。宋都以覆。及祥興己卯。元師下廣海。張弘範遂進攻崖山。宋欲退師少休。而是日海潮不退。勢難廻却。於是元人盡日力戰。宋祚以滅。

三時為差

史氏伯璿曰。余氏候東南二海之潮。平於東者常。既於南者常。後每於三時為差。不知其所以有先後者。何故。蓋潮之長落。不過以北水南水候之而已。是故北水南來則為長。南水北來則為落。是潮之長。必自北而南也。然後知東南二海潮候有不同者。以此而已。然猶未知潮之長。必自北而南者。又何故也。蓋天以河圖示象於聖人。聖人以易象示教於天下。後世不信天與聖人。尚誰信哉。河圖以一六水居北。而後天八卦之方位。亦以坎為北方之卦。坎之象非水乎。是則北固水之定位也。潮之自北而南者。豈必外此而他求乎。

三水相蕩

抱朴子曰。天河從北極。分為兩條。至於南極。其一經南斗中。過其一經東斗中。過兩河隨天轉入地。過而下水相得。又與海水合。三水相蕩。而天轉之。故激湧而成潮。

兩水相合

早潮下。晚潮上。兩水相合。謂之沓潮。

○冰

禮月令孟冬之月。水始冰。地始凍。仲冬之月。水益壯。地始圻。季冬之月。水方盛。冰澤腹堅。

納凌陰

詩豳風。二之日。鑿冰冲冲。三之日。納于凌陰。四之日。其蚤

獻羔祭韭。注云：凌陰冰室也。

脩盛器

周禮天官凌人掌冰。正歲十有二月令斬冰。三其凌。春始治鑑。祭祀供水鑑。賓客供水。大喪供夷槃冰。夏頒冰。掌事。秋刷。注云：三其凌，三倍其冰也。鑑如瓶，大口以盛冰。置食物其中。正月修飾盛冰之器。至二月將獻羔而啟冰也。夷尸也。實冰於夷槃中，置之尸牀之下。所以寒尸。夏四月掌事。主賜冰之多少。七月始刷冰室，將納新冰。

狐聽

離騷經注：狐多疑而善聽。河水合，狐欲渡，必帖耳先聽。魚水聲而後過。故人過河者，要須狐行，然後敢渡。

藏疑

晉孫綽天台賦：晒夏蟲之疑冰。整輕翮而思矯。按莊子曰：夏蟲不可以語於冰者，篤於時也。

藏山

左昭四年：申豐曰：古者日在北陸而藏冰，西陸朝覲而出之，其藏冰也，深山窮谷，涸陰沍寒，於是乎取之，其出之也，朝之祿位，賓客喪祭，於是乎用之，藏之也，周用之也，徧則久，無愆陽，夏無伏陰，民不夭札。

薦廟

禮月令：仲冬，天子獻羔，開冰，先薦寢廟。

梓慎占饑

見星淫杓。

令狐夢立

沈音膽晉令狐策夢立冰上。與冰下人語。索統占曰。當為人作媿。冰判時成婚。忽遇太守田豹。托策為媒。求張公徵之女為婚。至仲春果成。

神人膚

莊子曰。藐姑射之山。有神人焉。肌膚若冰雪。

妃子淚

開元遺事。楊太真初入宮。與父母別。淚落凍成紅冰。

光武渡河

東漢光武至薊上。王郎追兵至上。發薊晨夜馳至滹沱河。

導吏還言。河水流澌。無船不可渡。復遣黃霸往視。有冰。衆還曰。冰堅可渡。比至河。冰已合。帝遂得渡。

慕容行海

見海。

冰厚五寸

齊景公伐魯。得東門無澤。問曰。魯年穀何如。對曰。陰不凝。陽冰厚五寸。寒溫節也。寒溫節。則政平。政平。則年穀熟。請禮魯以息怨。

水厚六尺

漢晁錯上書。胡貉之地。積陰之處。水皮三寸。冰厚六尺。神異經。北方有層冰。萬里厚百尺。

北鼠

東方朔神異記。北方冰厚百尺。有鼠在冰上食。其鼠毛長八尺。可為布。

東蠶

拾遺記。東海員嶠山。冰蠶長七寸。有鱗角。以霜雪覆之。始作繭。其色五彩。織為文錦。入水不濡。投火不燎。

投丸潰賊

東漢黃巾賊起。青州刺史焦和。恐賊乘冰渡河。多作隔冰丸。投河中。賊眾遂潰。

煮茗供賓

六帖。逸人王休。居太白山下。每冬取溪水。琢其精瑩者。煮

茗以供賓客。

千年不釋

杜陽雜編。拘彌國有大疑山。其中有冰。千年不釋。謂之堅冰。

六月猶堅

戴延之西征記。凌雲臺有冰井。延之六月持去。經日。其冰猶堅。

貯玉盤

拾遺記。董偃以玉精為盤。貯冰於內。

玩玉筋

見冬至。

瑯琊井

東漢書靈帝元和六年冬北海東萊瑯琊井冰厚丈餘

宣陽室

晉陸機洛陽記冰室在宣陽門內天子用以賜王公百官

象王

曹植七忿素冰象王難可磨蕩結土成龍遭雨則傷

比珠

顧愷之冰賦緗白隨川方圓隨渠託形超象比朗玄珠

積冰為樓

三輔黃圖漢建章宮北積冰為樓

敲冰成磬

宋楊廷秀詩稚子金盆照曉冰彩絲穿取當銀鉦敲成玉
磬穿林響忽作玻璃碎地聲

子馮關地

左襄二十一年楚子使蘧子馮為令尹蘧以疾辭方身
地下冰而牀焉重茵衣裘鮮食而寢楚子使醫視之復曰
瘠則甚矣而血氣未動

楊氏琢山

見時令伏日

農桑起

家語霜降而婦功成娶者行焉冰泮而農桑起婚禮殺焉
男女合

二五二

風俗通周禮媒氏因三十之男二十之女冰泮鳴鴈於是乎合

賜汝南

八王故事汝南王葬詔賜冰五斛

送趙郡

北齊趙郡王叡為定州刺史監築長城有送冰者叡曰人皆飲溫水我何獨進寒冰遂至消不進軍中感悅

取冰無價

唐白樂天為刺史三年飲冰復食藥又止戈集長安冰雪至夏月則價等金壁惟白少傅詩名動於閭閻每需冰雪論筐取之不復償價

食冰洗腸

宋程伯淳長嘯巖中食冰甚佳詩云車倦人煩渴思長飲中冰片玉成方老僊笑我塵勞乞與雲膏洗俗腸

○火

莊子曰木與火相摩則燃金與火相守則流白澤圖火之精曰宋無忌春秋考異火者陽之精

流為赤鳥

史記武王渡河有火自上復下至於王屋流為鳥其色赤其聲魄

化為白雀

魚豢典略秦伯出獵至武陽有大火流下化為白雀嘶綠

字書書集於公車。

玉石俱焚

夏書。火炎崑岡。玉石俱焚。

芝艾俱盡

淮南子曰。順風縱火。紫芝與蕭艾俱盡。抱朴子曰。慮巫山之失火。恐芝艾之并焚。

春出秋內

燿音貫。夏官司燿。掌火之政令。季春出火。民咸從之。季秋內火。民亦如之。

春起秋滅

抱朴子曰。南海蕭丘之上。有自生之火。春起秋滅。丘生上

一種木。雖為人所着。但小焦黑。人或得以為薪。炊熟則灌滅之。用之不窮。

守金則流

莊子曰。木與火相摩則燃。金與火相守則流。

積油自生

博物志。積油萬石。則自然生火。晉泰始中。武庫火。積油所致也。庫有漢高祖斬蛇劍。土奔頭。孔子履。盡焚焉。

鳥鳴社

左襄三十年五月。或叫於宋太廟曰。譫譫出出。鳥鳴於臺。共音恭。社如曰。譫譫。甲午宋大災。宋伯姬卒。君子謂宋共姬。女而不婦。女待人婦。義事也。

鷓鴣樹

拾遺記燧明國不識四時晝夜有火樹名燧木屈盤萬頃有鳥名鷓鴣樹則燦然火出聖人感焉因取小枝以鑽火號燧人氏

樂喜塗屋

左襄九年春宋災樂喜為司城以為政使伯氏司里火所未至徹小屋塗大屋陳畚揭具綆正備水器量輕重畜水潦積土塗巡丈城繕守備表火道使華臣具正徒令隧正納郊保奔火所

襄子燔林

列子曰趙襄子率徒十萬狩於中山藉以燔林煽赫百里

畚揭音
本糊
綆音梗

音仍

有一人自石壁中出從燼上下眾謂鬼神襄子徐察之形色七竅人也氣息聲音人也問奚道而處石奚道而入火其人曰奚物而謂石奚物而謂火按草莩陳者而新者又生曰苒

老槐

莊子曰老槐生火父血為燐燐野火也

槁竹

淮南子曰槁竹有火弗鑽不燃土中有水弗掘無泉

衛於白首

山海經崑崙山之上其狀如鷓赤身白首名曰竊脂鷓音民可以衛火又曰符愚之山有鳥名鷓其狀如翠而赤喙可

以衛火。

撲於青衣

拾遺記糜竺貨貨如丘山。忽有青衣童子云。君當有火厄。賴君能惻愍枯骨。故來讓却。使君財物不盡焚之。旬日火起。燒其珠玉十分之一。火盛之時。見數十青衣童子來撲。火有青氣。如雲覆於火上。童子又云。多聚燕雀之類。以讓災。蓋燕能聚水。巢梁也。家人乃收集鷓鴣數十。養於池渠之中。以厭火災。

鷓鴣音交精

炎山草木

玄中記南山有炎火山。四月生火。十二月火滅。火滅之後。草木皆生枝葉。火燃草木。葉落如中國寒時也。取此木以

為薪。燃之不盡。以其皮績之為火浣布。

夢澤雲霓

戰國策楚王遊雲夢。野火之起也。若雲霓。

屋燕

呂氏春秋燕雀爭處于一屋之下。子母相哺。姁姁焉相樂。以為安矣。突決上焚棟宇。燕雀顏色不變。是何也不知禍之將及已也。

池魚

風俗通城門失火。禍及池魚。百家書宋城門失火。汲取池水沃之。魚悉露見。因就取之。故云禍及池魚。

奔秦奔楚

山堂集卷二十三
瑣語智伯敗夢火見於西方乃出奔秦又夢火見於南方
遂奔楚

爨柘爨松

淮南子曰夏爨柘燧火冬爨松燧火

神丘穴

括地圖神丘有火穴光照千里

臨邛井

見井

孫子墜營

孫子兵法火攻有五。一曰火人。二曰火積。三曰火輜。四曰
火庫。五曰火墜。注云火人謂近草則燒之火積燒其積聚

火輜燒其輜重。火庫燒敵兵庫。火墜射火墜敵營也。

管寧得島

傅子曰管寧嘗浮海遇暴風餘船皆沒莫知所適忽望見
火光趨之得島島無居人又無火燼衆以為神光之祐

冒火伏柩

郡國志長沙古初父喪未葬隣家火起初冒火伏棺上火
乃滅又汝南先賢傳汝南君仲母終棺在堂西舍失火君仲
伏棺號哭火越向東室不按君仲順字

燃火塞戶

見篤學

燃石

拾遺記秦始皇時有宛渠之民乘蠡舟汎黑木而至始皇
與之語及天地初開之時了如親見又曰臣之國去咸池
日沒之所九萬里日日之所不照以萬歲為晝萬歲為夜
其晝則天豁然中開明數百丈萬歲還合則為一日也夜
則琢燃石以代日光此石出於燃山其土石皆有光明鑽
斫之則火出火大如粟而輝耀一室

熒臺

郡國志連渾府遙火山西有火井深不見底炎氣上升常
若微電以草爨之則煙騰火發名為熒臺

牧兒求羊

三輔黃圖秦始皇葬驪山六年之間為項羽所發牧兒放

羊而墮羊塚中燃火求羊椰藏被燒

宮吏照燕

六帖秦始皇時吳宮吏以火照燕巢因燒吳宮

束帛而賀

韓詩外傳晉文公藏寶臺火公子晏束帛而賀曰王者藏
於天下諸侯藏於百姓農夫藏於困庾商賈藏於篋櫃今
百姓乏於外而賦歛無已皇天降災於藏臺是君之福也

竊樵以繼

梁書阮孝緒家貧無以爨僮僕竊隣人樵以繼火孝緒知
之乃不食更令徹屋而炊

郭憲厭齊

汝南先賢傳。鄭憲從南郊。舍酒東北三。喫云齊失火。以酒
厭之。後齊果上火事。

圖澄救燕

晉書。佛圖澄嘗與石季龍升中臺。忽驚曰。變變。幽州當火
災。乃取酒喫之。久而笑曰。救已得矣。石季龍遣驗云。邇日
火從四門起。西南有黑雲來。驟雨滅之。雨有酒氣。

穰玄冥

左昭十八年。鄭子產穰火於玄冥。回祿。注。玄冥。水神。回祿。
火神。

逐畢方

山海經。章義之山。有鳥如鶴。一足。赤文。白喙。名曰畢方。見

則其邑有譌火。譌火。妖火也。故唐元和中元年。永州夏多
火災。柳子厚有逐畢方文。

燒門

吳志。張昭字子布。孫權以公孫淵稱藩。遣張彌許晏到遼
東。拜為燕王。昭諫不從。稱疾不朝。權怒。以土塞其門。昭又
於內以土封之。後淵果殺彌晏。權數慰謝。昭固不起。權以
火燒其門。恐之。昭更閉戶。權使人滅火。親往問昭。諸子扶
起。權載昭以還。

改肆

舊唐書。宋璟轉廣州都督。廣舊以竹茅為屋。屢有火災。璟
教人燒瓦。改造店肆。自是無復火患。人皆懷惠。

鳥銜

鄧音只拾遺記鄧奇字君珍喪親盡禮嘗去墓夜行有鳥銜火夾之

羊轉

宋趙普一日見空中火一團又有一羔羊轉運其上乃拜曰普之罪也須臾火滅遂得疾而卒

得薪保燭

晉書私康從孫登遊三年將別登曰子識火乎火生而有光而不用其光果然在於用光人生而有才而不用其才果然在於用才故用光在乎得薪所以保其燭用才在乎識真所以全其年今子多才寡識難乎免於今之世康不

能用果遭非命又戴逵曰火憑薪以傳燭人資氣以享年

起屋厭災

沈約宋書凡殿屋之上為圓泉方井兼荷花者以厭火災也

詣縣請備

鄭玄別傳玄年十七在家見大風起詣縣曰某時當有火災宜廣設禁備後火果起而不為害

入市言災

廣記天師翟乾祐因入夔州市謂人曰今夜有八人過此宜善待之是夕火燒百餘家八人乃火字也

償承

後漢梁鴻字伯鸞扶風平陵人不為章句學牧豕林中誤遺火延及他舍鴻乃悉以豕償之隣家者老見鴻非恒人責讓主人悉還其豕鴻不受而去

驅鷄

見將帥

周高投燭

顛音以晉書周顛弟嵩嘗因酒醉瞑目謂顛曰君才不及弟何乃橫得盛名以所執蠟燭投之顛神色無忤徐曰阿奴火攻固出下策

彥回索輿

齊褚彥回宅失火煙焰逼甚左右驚擾彥回神色怡然索

輿徐去

黔盧赭垣

唐柳子厚賀進士王參元失火書僕始聞而疑終乃大喜人多言足下家有積貨士之好廉名者皆畏忌不敢道一出口則嗤嗤者以為得重賂今乃為天火之所條蕩黔其盧赭其垣以示其無有而足下之才乃可以顛白而不污其實出矣是祝融回祿之陰相吾子也

壞墻穴牖

柳子曰永州多火災五年之間四為火所迫跣足出壞墻壁穴戶牖僅免燔灼一遇火災累日茫洋不能出言

怨家所焚

齊沈冲。吳興人。與兄淡深。並歷位中丞。被案裁去。多怨。冲母在東隣。其家失火。疑為人所焚。乃大呼曰。我三兒皆御史中丞。與人豈有善者。方恐肌分骨散。何但焚如。故論者曰。沈母致懼中丞。其戒深矣。

奸民所為

宋張詠在金陵。金陵多火災。居者不安。詠廉知皆奸民所為。潜捕得之。命先折其脛。斬之以徇。火患遂息。

宮集二十三卷終

